

IWIAKMANAM NAJANATIN TUSAR IWIIARARU IRUTKAMU SHUAR YAMANUNKA

Uun tuakma Limoncocha
Uun Matsatkamu Shushufindi
Nunka tepakma Sucumbíos





IWIAKMANAM NAJANATIN TUSAR IWIARARU IRUTKAMU SHUAR YAMANUNKA

Paanmamu najanamu nekaska Takat Iruntrar Kampuntin nuya warinsha nukap najanar penker matsamsatin eaktin EMKAKampunniunam, nu takatan juarin Kampuntin, Nunka nuya Entsa irunun chichamrin (MAAE), aintsan árak nuya waaka ainia auna chichamrin (MAG), yaimmiajai nekaska Iruntraru Emkatniun chichamrin ainia (PNUD) nuya kuitjiai yaimin ainia (GEF nuya (GCF).

Takatan tímiatrusar ju ainia iruntraru EMKAKampuntin:

Tímiatrusar chicham jurkamu iruntrar takakmastin tusar.

Chichamruktin nuya iistin:

CONFENIAE - Tarimiat Aintsun Chichamrin Ainia

Takatan najanawaru - PNUD 2021

Takamtsuk takatan nekas najanawaru

Najanamu: Tunkiniam-Ekuaturnum

Ju PNUD tsankameawai ju takat nukap najankatarum tusa, turasha tuke kuitchajai nuya aintsun yaaya ju takatan aarar najanawaruit nu tuke aarar etserkamu atiniaiti.

Etsermanmaka, nii naari nuya nii itiur iinia nunaka ju papi aarmanmanka ya aararuit nuke kakarmanka takakui tura antsu enentaincha apujainiatsui PNUD.

Naampira Yamanunka:

NAAMPRA 2018-2019

Rubén Anguash	Uunt
Klever Chiriap	Patatkari
Tatiana Juepa	Aakmau
Juan Shiriap	Uuntri

NAAMPRA 2019-2020

Edwin Awak	Uunt
Mercedes Chamikit	Patatkari
Ximena Tsawanda	Aakmau
Rene Tsanimp	Kuitian juu
Ambrocio Chumapi	Uuntri

NAAMPRA 2020-2021

Edwin Awak	Uunt
Berta Abarca	Patatkari
Flora Chiriapa	Aakmau
Rosa Juepa	Kuitian juu
Antonio Chiriap	Uuntri

Warinkish ainia nakumratin, jutisar najannati nuya unuimiatnum yaimiun najatin:

CORAPE

Papi aakma jiirtin:

La Incre

Juarma

¿Urukantai Iwiakmanam najanatniusha iwiarna?

Ju papikia takakui máshi irur sutarach najana nekaska Iwiakmanam najanatin tusar iwiamun irutkamu Yamanunkanun tura yaimiwai takakmastinian nunkanam itiur takakmasria emkatniait nuna, nekaska enentaimsar najanamuiti tarimiat aints uchich iruntraruru nuya uunt iruntraruru ai. Juukmaiti yaunchuyk uunt, tímíatrutar Iwiakmanam pujustin enentaimsamu, kampuntin, tuna, entsa takma ainia au arantuktin. Aintsan ju Iwiakmanam najanatin tusar iwiamunuka antiawai nekaska nunka waitiamurincha, nékawai itiurchatan nuya aintsnum taama nuna aintsan eaawai ju iwiaratniun ujumkeka enentaimmia nuya waimiakma umikma ati tusa, nekaska uunt iruntraruru, nuya uunt aniairamu ninki kuitian umuchin (GAD) nuya takamcha iruntramun ainia au yaimmiajai.

Ju etserma juukmakmaiti aints anintrusar nuya papiniam aarar anintrusmanam nekaska irutkamu Yamanunka aintsri, naamkaru nuya irutkamun uraiwiaru, nui tuke puju ainia, enentaimtuinia nuya enentaituiniachusha, tura nui aints nu nunkanam matsatainia nuyanchu ainia, tura aints enentain apujin, metek pujustinian, takakmin nuya natsa ainia.

¿Tuniaya winiaj?

Nekaska 1972-1974, tímianaiya Muruna Santiak numia nuya Samur nunkanmania, taruiti nekaska emka niya pujusaru jui irutkamu Yamanunka, juka nekaska pujuiniawai Étsa taakmanmani uunt kampuntin tépakmanam, uunt tuakma Limoncocha, uunt matsatkamu Shushufindi, nunka tépakma Sucumbios. Irutkamu naarinkia enentain apujtusar Yamanunka uunt Tomás Juanca nuya kame juka uunt jakaiti Ángel Juepa. Yamanunka tamaka junis tawai “yamaram nunka” tamaiti. Emka ju nunkanam pujusaruka: Pablo Anguasha nuya nii amikri Vicente Torres juka apach amiayi nuyanka tamiayi Pancho Entza Nuyasha pujusarmiayi nunka arakri nekapmamu 41, emka nunka machari pujamunam jeatak, uunt Torresa pujutairin, Étsa tatainiam. Tura 1973 tarmiayi Pablo Anguasha nii shuari nuya Rafael, Ángel, Antonieta, Rubén, Ángel Juepa, Tomás Juanca, Luis Felipe Wajare (emka unuikiartin amiayi) Antonio Isacha, Dominga Jimpikit. Nu uwitinin kaunkarmiayi chikich aints Samur nunkanmaya, Pancho Entza junaikmari, Pedro Uncush, Antonio Jempetz, Luis Felipe Pirush, juka pujuwearmayi shariannum.

Yamai ju irutkamu pujamunmaka iwiaikainiawai 14 aints juna uraiwiaru, nérentin ainiawai yaunchu nankamasunun Shuarnan.

Métek ayu timia papi irutkamun uraiwiarujai

Nekas juna uraiwiaru aishman nuya nuwa pujusar ajeraruiti junisar juaktai tusar 50 chikichkimsar. Tura chikich ainiaka juakaruiti nii ituir nunka takustasa wakeruinia ainas, junaikiar iruntramun najankaruiti naarinkiaju ainiawai: Wamputsar, Kukush; Sharian, Sharup, Tsakimp. Los Vegas, junis anairaru ainiawai nii shuarn naarin enentaimtusar. Tura San Juan Bosco, Yamaram Suku naarinkia juka niinkia apujsaruiti nii pujutairin enentaimtusar nuya 8 de diciembre juka tu naarin apujtusaruiti uunt matsatkamun Sucúa namperin kajinmatkij tusar. Étsa tatainmaninkia pujuawaruiti irutkamu Tuntiak, Wampuish nuya Shiram.

Nunka papiri iwiartai

Natin 1974 nuya 1976 nui iruntrarmiyai nii shuarjai nunka papirin jusatai tusar. Emka takat juarkitniunka apujsarmiyai takakmastinian nunka nakarnairatniun, jintia najawar iisar. Tii penker anturnaiyarmiyai nii shuarjai; nuyasha amiyai amikmaniamu. Máshiniu nui pujuiniaka takakmiarmiyai. Nuwasha yaimiarmiyai yurumak nuya nijiamanch amastinjiai máshiniu aintstin. Tura Étsa akatainmaninkia entsa Jivino nujai aintiar warik nakankamiyai.



Tura natin 1982-1984 juarkiarmiyai nekas ii nunkenaiti tama papin jusartsa. Emkaka pujusarmiyai nekaska yamaikia yusa jee pujana ai. Nuyanka jeamkarmiyai iruntai jean chapi jean máshiniu irunturar, nuyasha uchich unuimiataincha nuya natsa unuimiataincha uraiwiarmiyai. Nuyasha uraiwiarmiyai 5 unuimiatain. Nuna turu matsatmanam 14 yurank nantutin uwi 1984 Yamanunkanka enkekarmiyai Iruntraru takakmin Ekuaturnumia yamaram nunkajai takakmin nuya maj nii kakarmarin atankitiai kakarmajai tusar. (Ierac), nuya 5 yumi nantutin uwi 1989 nui pekarmiyai nunka papirin uunt matsatkamunam Shushufindiniam, umitiai papiniam 388, ukutai 045. Turasha, nekas nunkan takakui tamaka yama uwi 2014 nui susamuiti, nunka papirin jusamujai nuya uunt Arakan chicchamrin papi umpuarma (ayu timia uunta papiri Nekapak. Magap-Dpasucumbíos- 2014-010), papi umpuarma iniakma nujai, Art. 1 irutkamu ShuarYamanunka tarimiat aints iruntraru, iruntraru “numtak numpak”, “nii pujutairi, nekatairi, nii wakeramuri, iruntrar kakartin”. Irutkamu wakeramurinkia tii penker árak chicham ainia au emtikitai nuyasha chikich ainiajaisha takakmastai tusar wakeruniawai.

Takamcha nunka takakma

Ii irutkamuri Shuar Yamanunka nunkan achiakeawai mashi iruram 8826.40 tímianu ajan. Étsa tatainmaninkia tsuperinayawai Nuevo Paraísojai nuya 18 de noviembrejiai, étsa akatainmaninkia irutkamu entsa Jivinojai, tura peeka irutkamu Santa Elenajai, Olivos nuya palmeras Ekuaturnajai, nuyasha atu painkia Cooperativa 24 de mayojai.

Nunkaka tii penkeraiti takakma ajat. Tsuertaku, juka tuke uwi shiram awai tura tii nukap tsai tsaitiati. Yumi tii yututai nantuka ju ainiaawai: yurank, nase, tuntiak. Tura ayumpum nuya nunkui ju nantutikia nukap esatrawai tumak maj arak kaakmin ajawai.

Juinkia nunka yajauch iturchat amajkamu awai, warinchu kauch nuya mutíi, chikich ainia au kampunniunam, ajanam, entsa taakmarin nukap ajapeamu awai. Tii iturchat najanamu irunui nekaska entsa jiintiairin, nunka taurar ijiatmatai akuntramu asa, nuyasha nunka machari yajauchiri ajapeamu asa un tii iturchat amajeawai.




Tuiniait nu nekatai



Mapa de localización de la Comuna Shuar Yamanunka

- PUJUSARU
- ENTSA KAMPUNIN TÉPAKMANU
- YAMANUNKA



Iwiakmanam najanatin tusar iwiararu irutkamu Shuar YAMANUNKA

Yamai jui junis awai nunka

1984 ju uwitin aints nii shuarijiai iruntrar chikich nunka eakmanam wearuiti. Juna urawiaru uchiri, nawantri ainiasha nisha nuatnairaruiti tumawarmatai nii apari ainia nunkan susaruiti nui jean nuyasha arakmawarat tusar. Juarnakniuiti nunka uchich tsupirnaiyamu penker chichtsuk. Juinkia yaunchk uunt itiur nunkan nakarnain armia aitkiawar, aya numin nunkajai yakarar, numin arakar, entsa iisar nuya jintia wekataan iisar nakarnairaruiti.

Uuntan papiri aarman penker nekainiachu asar, chikichkia "surukaru" ainiawai nunka shiram papiri "ajeturman" turutskesha uchich nakarman, aantar chikich aints nii shuarchan, colombianmanian. Ju yamaiya juinkia nii uunt jean jeamrar nu irutkamunam pujuiniawai. "Surutan" nankamawaruiti yaaksha utsukchamuitiat nuka irutkamu anturnaiyachmajayainti.

Chikich pujusaru "ikiamsaru" ainiawai nii nunken nekaska sankun arakmin ainia nuna, unuimiatra iisma 164 timianun ajamawaruiti, nusha aintsan iruntramusha nekachmaiti, tuma asar papi aarmancha arantukcharuiti, yamaikia nu itiurchat tunaiyamu awai.

Ukunam mai uchik maniamu ain tusar, itiurchat irunea auka papi umitiai aarma ainia aujai warik iwiarkamu atiniaiti.



Nekas uunt anaikiamu

Uunt ayu tusa papi aarar umpuarma No. 0124 tsawan 4 nase nantutin uwí 1981, amasmiai kakarman nuya ayu timiayi, umitiai papi aarman irutkamu Shuar Yamanunka, pujamuri km 14 jintia Limoncocha wetainmani, uunt matsatkamu Shushufindi, nunka tepakma Sucumbíos, nekas enkekma awai papi

umpuarmanam Art. 4 iruntrar takakmatai nuya irutkamu nekamu atainiam nui. Juinkia papi umpuarma irutkamusha ayamrumaktinian achiakeawai tama, nuya Uunt takatan nuya waakajai takakmastinian chichamrin ainia (MAG). tuke iisma atin.

Irutkamuka tuke uunt anaikiamun iyá atiniaiti

Irutkamu yamanunkanmanka aintsti iwiakmaka nuya kampunniunmaya jaisha tii penker anturnaikiar emkir weaji, juwaiti nekas iruntrar pujamuka, wari chichamnunkesha nuya nunka chichamnumsha. Ju penker takat ematai tamanumka, awai 4 akankamu iruntraru nekas nii amiktintrin aminia, papi aarman tana nuna aminiak.



Irutkamunam aints matsatainia:

Akankamu chikichik nunkaka aints uunt chikichik umuchiawai.



Uunt iruntramu:

Iruawai 15 aintsun ankan, ankan irutkamunmanian. Junaka irutkamu irunar anaikiamu ainiawai, chikichki uwi takakmasantai yapajkiar amajainiawai.



Takamcha iruntramu:

Juinkia máshiniu aints irutkamunmania nuya uunt anaikiamu nunkanu. Juka Iruawai chikich uwiniam, nuya chikichan anaikiatsa.



Iruntraru:

Juinkia takatan juawai uunt anaikiamu. Juinkia niinkia amiktiniaiti nuya amintikiatniuti uchich iruntramu nuya uunt iruntramu tana nuna.



Aints urutmait

Irutkamu Yamanunka aintsrinkia 51.1% aishman nuya 48.9% nuwa pujuiniawai. Tura 8.8% jeanam nuwan ame uunt ata tusa pujuiniawai. Ju iruntramunam 19.33% ju irutkamunmania shuarcha ainiawai. Turasha jui ayamach matsatainiawai, tura ju mashi irumrar chichakrikia 80.67% timianu nukapeti.

Juinkia mashi iismaka uchi nuwa, aishman nuya natsa ainia timia nukap ainiawai. Nekaska 72.79% timianu ainiawai 29 uwiniash ejenachu. Aints uunt pujuiniawai 2.53% nekaska nii pujutairin tuke aneakainia nuya nujai pujuinia imiankaska Shuar.

Maj juinkia awai ujumchik aints ati tama turasha aints nuran akinkiar wenawai, tuma asantai tarimiat aints shuarka penke amukachminiaiti.


Chikich enentai tamanmaka, aints takakmastas (PET) wakerainiakia matsatainiawai 15 uwi achiakainia, 65,94% timiaju pujuiniawai aintska, juinkia 29.74% aishman nuya 36.20% nuwa ainiawai.

Nekas takat najanma

Nekas takat najanmaka kuit wainkiatin arakjai, waakajai takakmasar (52.48%), timianu nukap ainiawai, tura chikichkia unuimin (36.25%) timianu nukap ainiawai, tura chikich ainiaka niisha chikich takatan najanainiawai, kuitian waitmaktasa.

Chikich numi penker ainia, yurank nuya yajasma

Aints yama tainiachu taru jui irutkamu Yamanunka, tii nukap kunitn irunmia tiniu ainiawai. Irunmiayi uunyawa, shushi, kashai, yunkits, chuu, yakum, tsere, aunts, mashu nuya waa. Tura nukap numi irunmiayi: mente, wampuish, kawa, murushi numi, kanu, paini, manchun numi, chikiainia, yaas numi, turaim, uruch numi auka amukchamin irunmiayi. Tura numin sumimiayi numi sumau Indesa, ninkia sumak nakak jumiayi Tunkiniam nuya Tsuer nunkanam.



Kampunniuka itiurchatnum pujawai numi tii suramu asamtai nuya chikich takatan arakmatniun najanainiak tii kampunniun amukiar wena asamtai, nekaska áfricanmaya ijiun arakmatasar. Takamcha kampuntin amuki weawai tumakui numi nuya yajasma ainiasha nui tuke puju ainiasha amukiar wenawai. Juka nankamawai nunka arakmam tii penker sua asamtai, nuya waakasha tii penker tsakatmarar susramu asamtai. Nunka macharin jusatsar nuya chikich takatan najanainiak tii ajarar kampunniun amukaruiti. Tura numi, yajasma iwiakmarinsha penke arantunkachuiti.

Ju yamaiya juinkia 40% nuya 50% nunka takakmasma awai, yamaikia juinkia kampuntin antinchamuka atsawai. Ayatik wainniawai (aints arakmamu numi ainiaksha aramu ainiawai), tura ayatik ainiawai warinsha turkma (warinsha arakmakma) juinkia Wamputsar, Kukush nuya Sharian étsa tatai painkia, kame irunui kampuntin tamaka, turasha arakmakma nuya jinkiai arakmatin juuktin tusar, turasha yamaikia atsawai kuntin eamkachmin nekaska, yunkits, kashai shushui auka timiatrus atsawai.

Máshiniu anintrusar iisma irutkamu Yamanunka. Nii nunkenka numi tuke wajauka atsuniawai, tii amuki wenawai murushi numi, kanu, kawa. Ayatik nekapasmach iruneawai kunchai, manchun numi, chinchi. Juna iisar shuar itiurchat enentaimiainiawai, ukunmash ii uchirisha warijain jeearmarat tusar. Juna iisar nii uchiri ainiaka mura apachnum pujuweartatui. 308 uunt chichainiak nekaska penker ii nunke wainkiartai tuiniawai.

Aintsan, entsa ainiasha yajauch wainkiartai nunka machari akatuam; iiyamu nuya wainmasha atsawai uunt ekuatura uuntrisha. Namak , nuya ashinentsachisha mash wenkaraiti. Ju urutkamunam chichasar iwiaratin taamawai. Papi aarma atiniati urutkamunam itiur nunka wainkiatniut, turachmaka tii itiurchatnum jeakmniaiti.

Imiatkin ataksha timiatrusrik najanachmin

Yaunchuk nanakamasu iisam, uwi 1972, ju irutkamunam nunkan macharin ju ainia takakmasaruiti Nekapak (No.) 57 tura amiayi jintia tamemamu Shushufinfi-Yamanunka. Tura 1984 ju uwitinkia nukap nunka macharin jutan nankamawarmiayi Étsa akatainmani, nekaska jui Yamaram Suku- Wamputsar ai, tura nui Limoncochanam nii pujutairi najanawarmiayi, nunaka takakmarmiayi nunka machari ju kampuntin tépakmanam-EP. Nu uwitinkia irutkamu anintru

wekaitinkia atsumiayi, tuma asamtai nakak aints nii nunken takakuka nunka machari jusatarum tiar tu takakmiarmiayi.

Nu shuarak iruntraruka nekainiatsui urutma nukapek nunka machari ju ainiasha antinkiarat nunka machari juiniaksha nuna. Chikichkia chichainiak 100 ajan antinkiaratui, arantutsuk chikich nunka machari ju Texaco pujuinicha tiaruiti.

Nunka machari

Nekatin tii penkeraiti nunka machari jusamunam nunka urukait. Shushufindikia yaunchukianiaiti, tura nekas nunka machari tii nukap awai nuyasha mayai umpuimiu iniarka yutai Ekuaturnancha niiki suawai. Nunka machari tii penkeraiti (eneé wampuchiti). Tumak 33% timianu junawai macha jutanium nunka tepakmanum. Aintsan mayai ainkiamusha 41% timianu yaimiawai ekuaturnum. Ju macha suramuka uunt matsatkamunam nuya ekuaturnum tii yaimiawai kuit chichamnum.



Ju nunka machari takat juamuka aneteawai yamaikia warinsha ainia jeamramu takamcha tentawai 197.72 timianu uuntan, enkeawai: Limoncocha, pañacocha, San Pedro Cofán aints matsateamunam, Shushufindi nuya 7 de julio. Mashikia 45 iwiarkamun takakui, nuna timianu amanum 25 Limoncocha pujawai. Nu najankamuka uunt matsatkamunam pujuiniawai tura 57, 12 nuya 15, ju amuamunmaka, pujamu 2 Limoncocha, juka irutkamu Yamanunka pujawai, nunka machari junawai 3.405.181 timianu mutiniam aimramu. Juka junawai 57 nunka machari chinkiakmanam. Nuyasha ju nunkanmak juiniawai takakmin Aguarico (Étsa tatainmani) nuya Quilla (Étsa akatainmani). Nuyasha Nunka machari kampuntin tepakmanum – EP juka, achiakeawai jintian ninium jiru waán ju nunka machari kijin jutain.

Chikich chichainiak awai kampunniunam (anin nunka machari pujumnia), nunka machari juakur warinchu jeamrar ukukmia, nuya iruneawai entsa yajauch awajkarma. Irutkamu pujuiniamunam Yamaram Suku nuya Yamanunka ajapen, juka pujuiniawai entsa iniakua ainias, nu tumak entsa yajauch jiniawai.

Ju anetkartatui aintiuk nekapmamun nunkan irutkamunam, nunka chinkiakma warinsha arakmachmin: tuma asamtai iwiarnawai nunka itiurchat amajkamunmanka. Nunis asamtai kampuntin, yajasam, numi, nanamtin nuya entsa

pujúu ainia au ataksha timiatrusrik awajsatin jeantsui. Tuma asamtai nunka machari ukuinin-EP tsentsak tiniaiti nii takat najanmanam nii takatri asamtai, takatan najanatniuiti ataksha kampuntin ajasat tusa.

Penker pujustin umuchkatin

Yaunchuk nanakamasu iisam, uwí 1972, ju irutkamunam nunkan macharin ju ainia takakmasaruiti Nekapak (No.) 57 tura amiayi jintia tamemamu Shushufinfi-Yamanunka. Tura 1984 ju uwitinkia nukap nunka macharin jutan nankamawarmiayi Étsa akatainmani, nekaska jui Yamaram Suku- Wamputsar ai, tura nui Limoncochanam nii pujutairi najanawarmiayi, nunaka takakmarmiayi nunka machari ju kampuntin tépakmanam-EP. Nu uwitinkia irutkamu anintru wekaitinkia atsumiayi, tuma asamtai nakak aints nii nunken takakuka nunka machari jusatarum tiar tu takakmiarmiayi.

Nu shuarak iruntraruka nekainiatsui urutma nukapek nunka machari ju ainiasha antinkiarat nunka machari juiniaksha nuna. Chikichkia chichainiak 100 ajan antinkiaratui, arantutsuk chikich nunka machari ju Texaco pujuinicha tiaruiti.


Chikich enentai nunka ikiamsar sanku arakmaniawai aints nu irutkamunmania ainiachiat. Nuna nunka ikiamsar tii nukap numin ajarar suruniawai, nuya ekemalar nuyanka nunitsapaichmin amukiar wenawai. Tura sankunka suruniawai nuyasha chikich aints yaruakar Santo Domingonam Tsáchila aints matseteamunam nui suiruiniawai tsuer nunkanam. Seamma awai yurumak surutai irunea ai, turasha penker sanku suramu umuchiamu atsa asamtai (sankuka ankan ajawai) juu arakka tikia penker pujustinniaka amatsui tumak antar numin amuiniawai nuna arakmawartasa takakmainiak turuiniak kampunniun amukiar wenawai.



Arakmamu surukar kuit waitmakar penker pujustai tusar

Tura ju yamai pujusaruka aintska takakmainiawai niisha arakmawar yurumawartasa turasha uchichin takasar tu pujuiniawai, turash tsawantan nekapmawar, tura atak arakmainiakka chikichnium arakmainiawai. Yamaikia nunka kampuntin ijumkeka ainiawai. Kawarunch nuya café ainia au

timia shiram akikian suiniawai nui aints pujuiniangka, nuyasha aintsan paantam ajanam aramu. Nunkaka yamaikia saak takasma ajasarai, nui waaka tsakatmainiawai, nuya atashin ipiampainiawai, namakan ipiampainiawai nuya warinchujai takakmainiawai.



Arak nuya waaka takat juarma Nunkui

Arak nuya waaka takat juarma Nunkui, takat najanamu 20 aja enketkawai, juka takat najanamuiti Nunka machari ukuinniujai-EP chichasar uwí 2012; juinkia yamaikia waaká, namakan yurumke nuya chikich yajasma irunea au yurumke najantai achiakainiawai, nuyasha kawaruchin kunturmari najantai achiakainiawai, aintsan numi tsakatmatain,

warinchu nuin muchikiatniunash takarenawai, nuyasha uunt ankantan achiarenawai warinsha turar unuimiatratniun tuketuk. Tumaitiat, nujai takat najannatsui, nui makin ajapamu pujuiniawai, wari tamawai nuna umuchkatniun jintiatin. Tuma asamtai uyumanawai Ekuaturan uuntri anaikiamu juna iturkamniat nuna yamkiat tusar.

Junisar pujustin

Eamkatin



Jui aints matsatuka eamkatniun wakeruiniatsui, kame eamkatniuka nii pujutairi ainiawai, turasha nuna turuiniatsui. Yaunchukka eamainiak jujai eamin armiyai uumjiai, nankijiai nuya timpiat. Yamaikia akarú, namak ipiat tutai, nuya yajasma tsuak, emesin ainia aujai eamnawai. Numtaik yuatniun eamin armiyai, turasha ju eak wekatustin tsawan ajatai auyayi nuya yaitmataik timiatrusar wekatusar turatin auyayi.

Uumkia najantai auyayi uwí nuya chuchuk. Esarmash nuya sutarchis irunniuyayi. Nuka eamtai chichachu; kuntinniasha awakcha nuya najaimiamtikcha auwaiti. Juka tsentsak maserar tseas apujtainti kunkuk, kuákash nuya tintiuk au tsentsakri uratainti. Nuya tunta tsentsak enketai najantainti kenku tsupikiar juinkia nukap tsentsak enketainti 50 turutskesha 100 tsentsak, eamutsar weakur jutainti, nanki ajankearma kuntin maatsar, nuya juka nankikia aintsti maaniakrishá jujai mankartuatai tusar jutainti. Nuya timpiat, tashitshi, washim aujai eamtainti.

Yamaiya Uchikia junaka nekainiatsui. Yamaikia ujumchik eamnawai ajanam arak ainian yuinia. Nukap yajasma ikiamin, uunyawa, shushui, pamáa, yankipik, paki ainia auka tii arak kampuntin uunt amanam tímisnsi pujuiniawai.

Juka anintrusar Nekamuiti irutkamunam papiksha aarma ati, tii eamma nuya namak nijiamu ain tusar, nunkanam warinsha irunea au penker wainkiartai tusar, turasha mashi unuimiatra iisam tsawan nukap nakamasuiti ju amukma, turasha ujumchik kampunniunam juwainia jukeka penker iitsati tamaiti.

Namak nijiatin

Entsa ju naartin armaiyi; Itaya, Blanco chico, Blanco Grande nuya Chorrera juinkia irunniuyayi: pani, chuchuk namak, akiam, putu nukap jutai auyayi. Ajuntainmanka tii kasur irunniuyayi. Namak achitia amiayi tsaujai nuya masujai nijiar, yamaikia entsaka nuya ajuntai ainiasha nunka machari utua yajauch najankaiti. Tsunki nantutin uwí 2013 ajuntain nunka machari akatuaa nuya entsa taakmarincha utuam nui mash namak kajinkiuti. Yamaikia irutkamu entsari iruneamunmanka namakash atsawai.



Muchitkiatin nuya warijaiinkish wekasatin

Irutkamu Yamanunka nakakaiti Étsa tatainmani nuya Étsa akatainmani jintia matsateajai turasha achitkiainiawai Shushufindi-Limoncohajai. Tii penker pujuiniawai jintiasha shiram tame najankamunam pujuiniawai. Tura auntsu ujumchik wakeruiniawai iwiarnarat tusar, niinkia motojai nuya uchich kunkuimijai yujainia asar. Yamaikikia nekantsawai uunt kunkuimijai wekasatniun wakeruiniawah nu.

Kuit Iwiakmanam takustin

Li nekamuri nuya najantairi timiatrusar aneamujai, enentaijiai nuya penker pujustinjiai, warijiansha arakmar ii kampunniuri emestsuk takurkia, kuit iwiakmanam pujustin chichaji "Bio" tamaka "Iwiakma" tamaiti, tuma asamtai kuit wiakmanam waitmaktin nuya kampunniun iwiakmari penker iistin chichaneawai, ju penker enentaimrar takakmamka kampunniuka emestsuk kuitkia wainniawai.

Irutkamunu chichamka, irutkamu Yamanunkanam aints yama pujusarmia nuka juna enentaimrarmiyai nukap kuntin irunea asamtai nujai penker pujuarmiayi, tumainiak nii ajarin arakmakcharuiti, tura chikichkia ayatik mataan arakaruiti, nuya mukuntai ainia auna, nekatsuk itiur kuit wainkiatniut nuna, nuyasha nekacharmiyai kampunin yaimia nuna.



Iwiakmanam ii nekatairi

Aints yama irutkamu Yamanunka tainiaka natsa nuya uchiram armiayi. Tura uchi akiniawar tsakaki wenak nii uuntri nekatairincha, pujutairin, enentaimtarin iwiakmanuncha kajinmatraruiti. Yamaiya juinkia nuna tumawar tii nunka ajararuiti nii pujutairin, enentaimtarin, nekatairincha Shuar itiur matsamin armia nunasha mashi kajinmatrarai. Ju itiurchat amajenawai warinsha surukar iwakmanam penker pujustinian.

Iwiakmanam takak najanatin penker pujustin

Ajanam arakmar surukar kuit waitmaktin chichamu nuya emkatin takatjai nekaska yurumak iiniu, namak, atash yunkunamu nuya mokin ainia surunewai, juka yukajai, paanmajai, ijiujai nuya kunkuram paa awankar suraji. Nuya jímia ijiurma wejai. Juna sumak yuatsa shushufindinmayasha tainiawai. Turasha taamawai surin ainia jintintiatin, auna penker yurumkan iwiarnarat tusar, nuyasha sumin ainiancha penker warasmaujai umirkarat tusar, nuya kuitniasha shiram umuchtumkarat tusar, tura jeencha shiram yakakar penkerach amajrarat tusar.




Takakmasar warinchu arak ainia au jiirtin

Nekaska ii nekatairi, pujutairi, nekasaiti tutaijiai shuarka Arutmanam nuya Nunkuiniam enentaimin ainiaawai, Nunkuikia nunka nerenniurinti nuya niniuri umia nuna. Nuwa ajarin yurumkan tímiatrua pujak nii aishrijiai uchirijiai waras pujustas wakeraka, tuke anentru pjuuwaiti nui Arutam pujawai.

Tuke aints nuatkaka nukap ajan takuwaiti, tura ju ajaka menaintiu turutskesha ewej uwisha ariniaiti, penker nupari kesatir ekematrar amajtamka. Yaunchuka ajanka takau armiayi urutma nuwana nuatkai nujai metek. Aishman ajanka takau armiayi, takakmak Shakaimian anentrin armiayi numin ajainiak nekachma itiurchat nankamas ain tusar. Yama arakmatan juarainiakka kawarunchin nuya cafén arakmiarmiayi nu tsawantinkia tii juna sumainia asamtai, tura yamaikia paanman, maman nuya chikich arak ainia nuna arainiawai.

Takat pachimrar takakmastin

Irutkamunmaka ju takatka najannatsui, tura chichamramusha atsawai, tura nu enentain enentaimtasha atsuniawai, yapajiamusha atsawai. Juka juni takakmastinian nekainiachu asa aininiawai, tumainiak nuran kampunniun amukiar wenawai, tura tsuak najanatniuncha nekainiachu asa nuya nuwejai takakmastiniasha jeaniatsui yaki jintintiat nui.



Yapájiamu nuya súramu takamcha nunkanam


Aintska sumainiawai yurumkan micha nunkanmania winiana nuna, eép, tomate, sepui, papa, kunkuram nupa nuya yuranken. Kantash, paumit, waaka namanké nuya atash, nuna sumainiawai aints surak wekamunam. Tishipi nujintri, numinian, machan nuya jirujai enkeamu (enlatados) ainia auna nuin irutkamunam suruiniawai. Tura atsawai jiru surutai, pushi, nakurutai pushi, papi surutai, apakmatai, tanta najantai, nuwejai najantai, jantsemtai, umutai nuya warinsha iismin nu atsuiniawai.

Café súramu nu yayawai aintsnaka, kawarunch, shaa nuya tishipi nujintri auka nunka ikiamсар takakmainiawai. Juka tii kuitri nunkachi. Tuke pujaku sankujai takakmin ainiaka imiatrus nekainiatsui itiura arakmar juuktiniat sanku nuna tuma asamtai juna sumin ainia yupichuch sumainiawai. Tura nukap arakmamu suruiniakuinkia kuitrishanunkach ajawai.

Tuke puju ainiaka uyumainiawai jintinratawarat itiura timia shiram arakmar nuya juuktiniat nuna nekatsar tura niisha nakak nekas juna sankun tsair surinian sumamtikiartas. Arak kawarunch, café nuya shaa irununka nunaka sumainiawai wekas sumin ainia. Wakeruiniawai itiur suruktiniat nuna, juna sumin ainian penker iis jutiksarum surutmaktarum titi tusa wakeruiniawai.

Kuit mantumma

541 aints takakmastinian jeania (PET) 19,59% nekainiawai kuit nantunam achirmaktinian, tura 50, 09% takakmainiawai nankamas takatnum, tura 15,34% achiniawai ekuaturan uuntri kuitian suinia nuna (BDH). Chikich takat najaneamunam kuit tii nunkachiti, chikich takatan najanainiajai iisam.



Takat arakia kaunkar iisara kitian irutkamunam enkeawarat tusar najanatin


Irutkamuka nekainiatsui juu takat najanar kuit nasharmitniun. Juinkia uyumainiawai yaaksha ju takat najanatniun neka enentain jintiat tusar, kuit umuchkatniun nuya chikich ainia nuna.

Juu takat najanar surukchamin ajainia

Juu takat najanar suruktin, neka atin nuya warinsha najankatin ju timiatrusar nekaneatsui irutkamunam, wari yaaksha enentain juni takakmatainti irutkamunmanka kuitcha juni umuchtaiti tusansha jintiachu asamtai nuya ankantun amainiachu asamtai. Nekas jintiachmaiti nuwejai warinsha najantaisha, numi yajauchich numijiaisha wari najantain, tsuak arakjaisha itiur najantain; Tui surunkata araksha, jeasha uunt ju yurumak surutaisha atsasha.

Jimiará chichamjai unuimiatai

Irutkamunam unuimiat irunea ainkia nekas kakamu awai unimiatna papi umpuarma ana nuna aminiak, unuimiat jimiera chichamjai unuimiatainiu. Aakmartin ii chichame jintintiatsarkia, junis unuikiartinkia jintiniawai, pizarranam uwí nanturin shuar chichamjai aattrar nuya apach chichamjai jintintiniawai, turutskesha uchi unuimin ainia aujmatenawai nii shuar wari takatna najanena uwí nankama aisha nuna; aarar nuya nakumenawai, pachimsaran takat nii pujutairiniun, warinsha Iwiakmanam wainji auna nuya ii chichame nekatin.



76,5% timianu uchi unuimin pujuiniawai irutkamu Yamanunka, unuimiatai Luis Felipe Wajarainiam, tura 11,4% unuimiawai unuimiatai 24 de mayo irutkamu Yamaram Sukunum. Takamcha unuimin iruram ainiawai, 52% aishman nuya 48% nuwa.

Ii chichame chichamu shuar chicham

Irutkamu Yamanunkanmaka shuar chichaman chichainiaka 42% chikiti, tura chikichkia apach chichaman chichainiawai, nekaska natsa ainia. Maj nekas iismaka shuar chicham menkakamniaiti.

Aints unuimiararu: 30,76% uchich unuimiatai amukaruiti, tura 29,56% natsa unuimiatai ajapen iniasaruiti; tura 19,51% amukaruiti natsa unuimiatain. Enentaimsa tama 43 chik uunt unuimiatain, susurka unuimiatain, manaintiunam patamiaru nuya aintiuk unuimiarmanam patamiaruiti.

Nukap aints 30 uwí achiakainia uchich unuimiatain nuya natsa unuimiatai ajapen amukaruiti juka niinkia irutkamunam naamin enentain apujin ainiawai. Ju takat iwiakmanam najanatin tusar iwiarmamasha Yamanunka unuimiarurinkia pachinkiacharuiti.



Tsuámatai máshiniu nuya tsuámatai yaunchuya

Nekas Yamanunka ajapenka uchich tsuamatai awai, junaka jearkaiti Nunka machari ju ainia EP uwí 2008. Shiik, tsuemu, ijia, enentai najamar nuya yumin sunkur tii nukap awaiti. Uwishin iimiastin tiikia atsawai. Ju timianchaiti pujutai amaichma asa, ujumchik uwí nankamawai niisha sunkuran ayamkartuku ainiawai uwishniusha, uwishin wakanin kakarman takakainiawai jaan tsuartaj tusa, yauchu nii pujutarin tuke nekaniawai, nuya ukunam atinniasha nekainiawai, kuntin nawamkatniun entsa eamkatniun ujuink ajastinian nekaniawai.

Aints tunamaruka timiatrus atsawai; 0,0031% chikiti, turasha junaka Ekuatura uuntri yayawai. Wainniatsui aints kautai sunkurjai jaaka. Antsu enentain turutskesha akapen najaimianiak jainia awai 0,0056% tura aintsan 0,13% awai jainia yumin sunkurjai. Tumaitkiusha nekainiatsui urukamtain au sunkursha

achikratea nuna. Juinkia penker yurumatin iimiastiniaiti, iniash umuchratniuiti, nukap enentaimsashtiniaiti jaana nu. Tii warik jukiartiniaiti tsuamatainiam tsuamararat tusar, jakarain nii shuar yayachmanam nuya Ekuatura uuntri yaimchamunam tusar.

Jeea

100% jeea pekmaili, tura 49.41% pujuiniwai irutkamunam nuya 50,59% ankan, ankan pujuiniawai. Nekas Yamanunkanmaka 29,69% jeea pujuiniawai. Irutkamu aran kanakar pujuiniamunmaka jintia iwiarachma ainiawai, tumak nunka jutiksar wainkiatai tichamnia ainiawai, tuma asamtai juinkia nunkentin nii itiu jeeamkatsa wakera turuiniawai. Tuma asamtai entsa nuya yajauch ajapnatin susatniusha jeantsui.



Jeea urukua ainia

81% jeea tama ainiawai, tura 15% jeea tamach ainiawai, aintsan 4% aaka tuma ainiawai. Mashi jeea numijiai nuya Apachi chapiri (zinc) ainiawai; mash iisam jeean ankan, ankan takarainiawai, tura ankantan uuntan achiakainiawai. Ujumchik 8% chik jeea ikiamsamuka awai. Jimiara kanutain achiarainiawai

nukap jeea. Antsu 48% jeea pujuiniawai yuntumas 100 nekapmamunam nunka machari jusar yajauch amajkamunam, tura chikichkia 100, 200 turutskesha 300 nekapmamunam pujuiniaka yajauch nekapainiawai nu nunka machari jusamu sunkuran nukap suiniawai tura ene enentaimkiuasha jaainiawai.



Uyumamun yaimin

Jeeaka uyumainiawai entsan uunt yaimmianumian tura aints nui pujuinia nuka entsa taurar jikmia jeeaniasha arak aan nuna umuiniawai, tura chikichkia warinkisha apujsar nui entsa piakamtai nui achirmainiawai, atsawai yajauch ainia akupkatniusha, nukap shuar entsa taurmanam jiiinun nuna achirmainiawai, ijiatmataincha achiakcha asar nakak wakenam ijiatmainiawai. Ijiatmataisha yajauch irunui, tii waitiamu awai juu nunkanam.

Entsa achiakchamujai aints irutkamunam pujuiniasha nuya uunt yaimmiasha atsa asamtai iwiakman sunkur tii yajauch awajui, nuna aints iikiar timianchaitkui mura apachnum shiakiar wenawai.

Tii nukap tsuat ajapman juwainiawai tsuata juu ainia, chikichkia ekemakma, nui nunkanam tura chikichkia jeea ayamach. Aintska nekainiatsui tsuat penker jukar ukustinian

emka ajaptsuk. Jintia wekasar iyamka tsuat warik mamuchu ainia ausha iratai jintianam nuya kampunniunam tepetar ajainiawai, yaaksha ju jutikiawairap tichamu.

Antsu tsuramta kakarmarinkia tii penkeraiti. Auna penker ainti ju tsuramta sukartin máshi jeanam apujsanaka, jintia yantam pujuinia

aunkeka, nuya irutkamu Wampuishiniash timia waitia aunkeka susanka penker ainti.

Ju inkisa mutsukari, tii penker ainti ju aints matsatea juna iruntairin apujnaska, chicham anturnaikiatin mashiniuti juu nunkanam pujuiniatikia. Kame ju ii nunkenka ainiawai takakmin Claro nuya Movistar, turasha tuke

chicha pujutainkia atsawai, tumak inkisan mutsukarini chichatai timiatrus atsui Yamanunkanmaka. Nu tuma asamtai chunka kunturini chichastin tii kuit jiniawai.

Irutkamunan jintiatin



Ii matsamsatin nékamu

Ii matsamsatin nékamuka tamaka chichanawai iruntrar aujmitsatin ii shuarjai ii nekatairi, pujutairi, kakarmari, enentaimtari ii irutkamurin nuya chikich irutkamunmasha, juka turaji irutkamunam ii pujutairi enentaimsar. Juinkia nukap enentai apujma achiniawai juu iruntramun najanmanam pachiniainia.

Yaunchuk pujutai, nekatai, iruntrar shir pujutai irutkamun shuar Yamanunka yamiakia tii waitias pujawai, mashi nii pujutairin kajinmatki wena asa, nu emeskaiti iwiakmanam itiur Pujutain nuna, enentaimtainiam, pujustinnium, yurumkanam, Yaunchuk nekatainiam. Menkaki weawai tii paant ii chichamesha, nuya kajinmatkir weaji ii nekas arake arakmatniusha, eakmaktincha nuya yuran kampunniunmaya juuktincha nusha mashi kajinmatkir weaji. Tuma asamtai, nunkanam irunea auka antrar wasurkashtiniaiti nuya Arutmajaisha antrar nakuruschamniaiti.



Aishmanjai nuwa pujustin

Tsenken nawe nuya yarúsh nawe uwitinkia nuatnaikiaruka paant shuar puju armiai. Aishmanka aja takastinian, eamkatniun namak japiktinian; nuwaka arakmatniun, aja nupari takastinian, arak arakmamun juuktinian, yurumak iniaratniun nii shuarjai yuatniun nuyasha uchirin nuya nawantri wainkianiun.

Nuatnaikiaruka tuke jaamam puju armiai, nuatnaikiarka nii aparí nunka iniaktusam nui pujukar ajau armiai. Aishman amiktinkia nii nuari wainkiatin nuwayuyayi tura nuwaka aishrin shikiniam aipsashtin. Nu tsawantinkia chikich tarimiat aintsjainkia nuatnaikiashtin amiai; antsu tuma, yaunchuka ii uuntrinkia nuwachinkia uchichiniak surin armiai nuatnaikiat tusa.

Shuar aishmanka nuya nuwaka tii akasmin ainiawai. Atakka nuwa timia akasmin ainiawai turasha aishrin awatcha ainiawai. Auka urutainsha awatnain ainiawai. Nuatnaikiaruka uchirin ununiartinian, penker ayuratniun, iwiarmamtikratniun, chicharkatniun, nii penker pujustinian nuna enentaimtuiniawai.

Yamaiya juinkia shuar nuwasha chikich tarimiat aintsjaish nuatnainiawai. Yamaikia nukap ju nankamawai nuwa nuatnaikiar aishmannaka juiniawai nii aparí jeen nui pujustasar. Ju aintsar nuatnaiyamuka tiikia aruiniatsui: nuwa ajapa itukmia ninki uchiri tsakatmainiawai natsa pujus takusua ainiash nii yaunchu aishrisha kuitjaisha yainchamu. Nui nuran kawenki

nuatnaiyamusha chikichnumiasha, juka nuwanam nankamawai, wainniawai nukap aishman niichik nuwan eatmakartin chikich nunkanmanian. Juka nankamawai nii pujutairin nuya shuar chichaman chichainiachu asar.



Chicham nuya chichastin

Shuar chichamnaka chichainiawai ayatik uunt 40 uwí achiakainia au chichainiawai nusha chichainiawai warinsha chicham uukma ainia auna, iruntramunam junis ati titinian, turutskesha yaunchu nii uuntri nankamasu, turutskesha warinkisha akatmamainiak nii shuarin nui chichainiawai shuar chichamnaka.

Shuar chichamnaka chichainiatsui nuumtaikkia. Natsa nui iruntrar takat juamunmanka nii chichamen penke chichainiatsui; apachikia chichainiawai Shuar chichamnaka nii uchiri antukain tusar; tura atakka chichaktinian wakeruiniatsui, yajauch chichaji tusar, chikichkia nekainiyat chichainiatsui, itirchatka juwaiti, nii aparí shuar chichaman chichakain tusa nakitiniawai, aintsan junasha tuiniawai, yamaiya juinkia iwiakmanmaka, iruntramunmaka nuya tuakmanmaka, aya apach chichamjai chichaneawai tuiniawai. Uchi mura apachnum unuimiartasa wear nui unuiminiatsui shuar chichaman: yamaikia nukap aints natsammenawai chichaktinian nuna tumainiakui, irutkamunam unuimiat jimiará chichamjai unimiatainmaniash uchi shuar chichaktiniash nakitiniawai, tura nekatniuncha wakeruiniatsui.

Unuimiat ainia aisha unuikiartinkia shuar chichamnaka nii chichamechua anin apach chichamjaiya áartinian, chicham unuimiatain, timiatrusar áartinian, jintintiniawai mash enentaimsar iismaka nekas nekasmaka aya chichasar atsuk timia shiram chichaktin nekatainti turutsuk arum shuar chichamjainkia jintiniawai. Unuimiat Luis Felipe Wajarainmanka taamawai unuikiartin shuar chichaman penker jintiat tusar, tura uchisha shuar chicham chichastinian wakerukarat tusar, ju inkis chichaman itiurena aintsan, tura nekaska tuntui shuarna ati tusar wakerajai, nu timia penker achaintiash.



Ii pujutairi

Mashi unuimiatra iismanam Yamanunka aintsrinkia Muruna Santiaknumia kaunkaruiti. Natsa taru ainiawai takatan nunka machiri ju ainiamunam takakmasartas. Nii aparí yachi uunt ainiaka nii nunkentin juakaru ainiawai. Nu tumawar tau asar nii pujutairincha, nekatairincha nii uuntri pujutairincha mashi kajinmatraruiti.

Juna irutkamu Yamanunka uraniak papin ejeraruiti, ukunmaka ikia takakmastai arakjai waakajai tu papin umpuararuiti, kame ju Irutkamuka mashi nii pujutairi timiatrus takaksui nuya nii chichamencha tikia chichainiatsui, turasha yamaikia nuna iniankiartas tiisha sumamas pujuiniawai nii pujutairin, nuna tuke iniankiartasa pujuiniawai, nui tuke yaunchu nii untri aujmattaincha, nankamasuncha, tunancha, entsancha, ajuntaincha yamaikia tii penker iiniawai nuya ayamruiniawai, tura kakarman nuya nekataiyá tuma enentaituiniawai.

Yamaiya papi umpuarmanmaka ii pujutairi tuke emtikiatai tamaka atsawai, nujai nunka ajawai “nunka yaunchuyasha” aishman nuya nuwa tujiniawai kampunniujai kakartinian, ainias nankamaki weawai nunka tuke pujutainmasha. Iruntramu najanmanam chikichkia chichainiak Uunt tarimiat aintsun pujutairin ayamrin pujuinia au seatai yamaram papi umpuarma amasai tusar, nuinkia “Iruntraru Tarimiat Aints Shuar Yamanunka” apusatai tuiniawai tura arantukma ati tarimiat aints tuke puju ainiawai tusar tu

tuiniawai. Ju seammaka uunt iruntramu ekuaturan papirin umpuin ainiai au ayu timia atiniaiti.

Amuakur junisar taji, irutkamu Yamanunka kakarman takaksui, nii pujutairin emenkaku asar, tura chikichjai nuu iruntrajain apatkar iyamka tii nunka pujawai. Ju takatan tarimiat aintsun pujutairin chichamrin ainia najanawaru chichainiak juka ataksha iniankimniaiti nii pujutairi ainiai tu tiaruiti.



li jantsemtairi ataksha inankitin



Ataksha iniankitin nuwejai warinsha najantai, uwejunum takusar najanin armia ainias, warinsha irutkamunu najanatin, jeanam yaimkiamin, yurummanum, entsatai, turutskesha takatna.



Nuatnaikiamunam kajinmatkishtin ii pujutari nekaska nijiamanch nawatin nuya umurtin.



Warinsha kuit eaktasar turuktin irutkamu yuntumas ainiajai, kuit ujumchik enkemu tsawantin takákmamunam, ayamrakur nuya ii pujutairi penkeraiti takur nuyasha tuke puju ainiajai.

Iwiarmamtai

Unuimiatra iisma takat najanatin Shuar Sucumbíos numia 2018-2020, wainniawai yamaiya juinkia ii untri iwiarmamke nekantsui yamaiya uchi tsakakujainkia Yamanunkanam. Nukap iruntraru chichainiak "natsamakur"

entsachuitji tiaruiti, tura wishikkiartuiniakui. Nuyasha chichainiak entsatai penker ajamakchamniaiti. Nekas entsainiatsui ju ii untri entsatain, tura wakeruiniatsui, jutksar takat jukitia timianmanka juu iwiarmamak shuar juukuitji:

Tarách.

Shuar nuwa entsatai. Aishman najanamu Tárach kinkiajai, tuntuja, kapakujai. Mash iniashin nukuawai, yakainiumia juarki kankajia timiai, chikich yakainkia nuya kuntunka ankan ukuki

Itíp.

Shuar aishman entsatai. Najanamu tárach nukap imtinian takarujai, nunkani kuismarmajai, wankanti uwej nekapmamu, akachumeawai witijia aunia kankajia timiai. Juka iwiarmamtainti nampernum, jeeansa pujakur, eamuweakr, nuya mesetnum weakur, tura warinsha amatainkia tikishia ai niniura wiatainti.

Senta (cinta).

Juka tawasap turutskesha shakap najanatniunam penkeraiti, shakapka nuwa witijnium petainti, nuyasha muuknum petainti. Tawaspanka aya uunt ainia, anaikiamu ainia apujtainti, nusha Itíp najantaiyana aintsarik najantainti.

Tirinkias (cordón).

Junaka nuwa apujin ainiawai shakapan penachuk ajanam, eamutsa, takatnum. Junaka aishmansha nuwasha jinkiamin ainiawai intiashnum tura atakka nui chinki urechirin apujint armiaiyi.



Tawasap chikitcha ainiawai nuya nii iirkari:

Tawasap (corona).

Tsukanka urejai najantainti, nii imianke yunkum, mukusa, kapaku, puju, junaka aints juna najanu itiur najanatsa wakera nunak nii nekawai. Junaka aya uunt naamka apujniuti. Tura nuwa nuya uchi natsaka apujshastiniaiti.



Tentémp (corona).

Jusha etsenrutainiati urejai, yajasma nupenkesha, sentajai. Junaka sentanta uchi natsa nuya anaikiachma ainia au etsenrin ainiawai. Yajasma nuape ainiawai: Kunamp, sepur, Tsukanka, sunka nuya mashi kawa ainia aunu.

Chikich warinchi ainia auja najankamujai iwiarmamtai

Chapawík (manilla):

Shauk nankamas imtinjiai najantai. Juinkia imianke paant ainia au, nuya itiur wakeraj tu najanatin; aaktin chinkiuun nuya napa aamanke, nuya wari chinki aamankenkesha aartin.



Pátake (manillas):

Shauk tuke najanamu. Yaunchu ii untri chichainiak ajuntai pepeer ajau awai piruannum nui ajuntainiam shauk irunnuiti turasha nuna wainin yajasma irunnuiti tiniu armiyai. Ju shauk utumtiaí tusa weakrikia naman jukitniuiti nu yajasm anankar enkemar shauk juurmaktai tusar. Jui jearkia nankamas iirka shauk juutainti: yunkum, kinkia, kapaku, puju, samek, mukusa. Jujai shuar nuwaka najanin armiyai patakuin, chapawikian nuya nunkutain.



Tsukanká (aretas):

Juka najantainti tsukanka urejai, sunka urejai nuya chikich yajasma uré paantin ainia aujai, nuya kumai yaranmarmajai, uruch kutamamujai nuya mikia chini miakarijiai nu ure peektin. Ju yamaikia aya nuwak junaka apujin ainiawai, tura yaunchuka aishmansha apujin armiyai.



Nunkutai (collar):

Juka suwenam nunkutainti. Juka shauk weatainti nukap iirka pachimrar yarannum. Juka juarkur nuya amuakur yaran ankan ukutainti kuntujnum apujkur jinkiamatin tusar.



Asanti (collar):

Juka apujtainiati yakainiam yasaksarik. Juka najantainti yaranjai etse, wampiak, chipia, tayu ukunchi nuya chikich ainia aujai wearar. Juka weakur atenkeasrik weartiniai, jinkia irunujai nuya ukunchi.



Namper nuya tuntuiyamu

Namper najantainti yurank nantutin 23 uwí namperi nuya wampuishitin, (Yamanunka, irutkamu pachitkiawai uunt tuakma Limoncocha uunt matsatkamu Shushufindi, nuya 25 de mayo irutkamu Taruka pachitkia uunt matsatkamu Cascales. Yamanunkanmaka namper najantainti 11, 12 nuya 13 tsunki nantu. Ipiamar, ii amikrijiai

nuya wekainiajai namper najanji, warinsha ii pujutairi iniakmakir, naku najanji.

Tuntuiyamu. Shuara iwiakmarinkia tuntuiyamuka aintiuk akankamuiti; anent, uwishin nampetai, penke nampet nuya nankuja, tuntuijiai nampet:

Asent:

Shuar chichamka atacka nii juarmari chichatan takakui anenaitin-juka enentaimratin, nekatin. Junaka ii uuntri nekawaru ainiawai tuna karamu wekasar, turutskesha Karanam, tura juka anentainti winianin enentaimsat tusar, winiak anentit tusar.

Nampet:

Juka aya námpetainti, nampernum, nankujai, tuntuijiai jantsemkur.

Ajaj:

Námpetainti juka tsantsa najankur nuya mesetnum pujakur.

Música

chamánica:

Junaka uwishin nampen ainiawai, arutman kakarmarin achiktsa tsuakratratsa, eamkatsa.



Irutkamu Shuar Yamanunkaka yaunchu ii uuntri nampermatainkia turuiniatsui. Tuinsha nii pujutairijiai pachinkiatniun achiakainiaksha ipiamamu iniakmamaitiarun tama atsawai, yaaksha yaiminiatsui ju iwiarmamak najanatniunmasha, tura juna tarimiat aintsu pujutarin chichamrincha penke yaiminiatsui.

Uwishin, waimiaktasar, napi esakratiamtai nuya natem, maikiua, tsaank umurtasar najantai.

Junaka uwishin najanin irunui, juna najanatniun neka, tsuakratratniun neka nuya nii irutkamunrin wainin. Nekas uwishin tsuakratniuka wawekratcha ainiawai, uwentikin ainiawai iturkesha aints kajernaiyak nii shuarjain waweniataj tuiniakuisha. Uwishniuka ya wawekratea nuna neka nuya aitkiawaip titinian kakarman achiakeawai.

Tuna karamatin shuarnunka tii nukap achiakeawai jintiatniun. Juinkia tuna karameamunmanka aints nuya kampunniujai nekanaiyawai. Juinkia Arutam seatainti

kakaram surusta tusar, tunaka karamtainti Arutma kakarmari achiktsar nuya ukunam pujustin nekatasar. Yamaikia ujumchik aints juna tuna karamainiawai.

Juka napi esakratiamtai najantainti, nu napi esaimiu jakachamtai nu warareakur juka najantainiati, tura napi awakatasar, nuya ataksha esakratiwian tusar najantainiati.

Natem, maikiu, tsaank umakur najantai, junaka najanin ainiawai étsa nantutin, wekasar tuna karamawartas

Chikich najantaisha iruneawai shuar najantai, nu ataksha iniankitiai tusa wakeramu, nekaska uwishin nateman umur tsuakratma, anent arak penker nerekat tusar anentai, tsuakratasar ijiarmamu, arakmatasar wari nantutin arakmatniuit, uuntyawa namperi, kampunniunam nukap tsawan pujustin yurumsuk, uwí namperi najankur jantsematin nu uwí nawamu karimiam, tsanta najankur napermatin ii nemasri isharmukat tusar najantai, juka mesettin najantai, tuna karamkur Étsa nuya Iwia kakaram seatin, nuya arak penker amamat tusar.



Jantse

Yaunchu uunt ituur jantsemin armia nampermainiak nu chichaneawai, aya muchitkiamujai iniakmastin, enentaimmia nuya wakeramu. Ii pujutairinkia iniakmaneawai jantsemeamujai iniash timiatrus metek muchitiamujai nampeamujai. Ju arantukma atiniaiti,

nuya tuke nekapkir wetiniaiti yaunchu ii uuntri ituur jatsenmin armaia nu. Juinkia jantsenmaka aishmansha chikich muchittian achiakewai nuya nuwasha aintsan chikichan muchitiniawai.

Mákich jantsemtai: Aishman urukatniut. Juu jantseka tu tutainti wanusnum mákich jinkiamar jantsemeam nawenam ajiniak shak, shak aujawaiti. Aishmansha, nuwasha niisha chikichan muchitin ainiawai.

Japa jantsemtai: Juka japa ajapkameak urukniut aintsar jantsemtainti. Jimiará tsek, tsek ajakar, chikich naweka entikiar tura chikich naweka ukunam tura ii jantsemtikmari ayamach jantsemtai.

Jempe jantsemtai: Juka mai namkama ajatniuti menanmani, untsurnumani, jiamará tsek, tsek awajkatniuti sankanjai nawe emtikiar, aintsarik waketur jimiará tsek, tsek awajkatniuti nawe tsakari, nu tumakur nawe muchitiamujai metek uwejsa pak, pak awajtiniaiti. Nu tumakur peper ajatniuti ii aijjai jantsemji nuna tuntupeni.

Patukmai Jantsemtai: Ju jantseka tikish yakini takui jantsemtainti. Jimiará tsek, tsek tarimianuiti nawe tsakarijai, mai yapaj nawe ajakur. Tuke emkar weakur, nuya peperet aniantartiniaiti waketur.

Yasank jantsemtai: Ju jantsemtainkia chinki yasank tama nawechirin ajap, ajap ajanaiti, nu nakumkur aintsarik nawe tsakarija tarimkiur sankan yaki takuir jantsemtainti, jantsemkir timiai weri waketur peret aniantarar waketurkitniuti.; juinkia nuachujai jantsemtainti, aishman chikichik jantsemtai, turutskesha nukap aishman.



Najantai nuya yakatai

Warinchi ainia yakakmaktin tura yakartin, nuwejai najankamu warinsha iniash najantramu, ii uuntri neka irunu nekawarmiayi numi saipe, kankap, nuya chikich ainia aujai iirkamuri yakartinian, nekas yakatai nekamuka ju ainiawai:

Árapiank: Junaka ipiakun nuya yunkinia saipejai najanin ainiawai.

Ipiak: Jusha aintsan ipiak tekarar ekenkar ukuiratniuti, turam tii penker kuniur kapaku ajauwaiti.

Suwa: Juka numi tu nartiniaiti. Intiash yakartin penkeraiti, yaran yakartin nuya tárach yakartin penkeraiti. Tii penker aya mukusa juwainiaiti.



Usumtai, nukap nisha usumtai irunui, shiram nuna shiram:

Yaunchu uunt itieur jantsemin armia nampermainiak nu chichaneawai, aya muchitkiamujai iniakmastin, enentaimmia nuya wakeramu. li pujutairinkia iniakmaneawai jantsemeamujai iniash timiatrus metek muchitiamujai nampeamujai. Ju arantukma atiniaiti, nuya tuke nekapkir wetiniaiti yaunchu ii uuntri itieur jatsenmin armaia nu. Juinkia jantsenmaka aishmansha chikich muchittaiin achiakewai nuya nuwasha aintsan chikichan muchitiniawai.

Yamunka Aámanke: Usumeakur yamunkan aámankea tuma shait yasaksarik amajkitniuiti usumeakur, mai yapiniam nuya netsepnum tu usumratniuiti, uchi asasha uunt mashiniuiti, irastasa, mesetnum, tuna karamatas weak nui usumratniuiti.

Yawá susurí: Unnyawa susurí enentaimtusar urukuit timiatruasar usumratniuiti. Mesetnum weakur nuya chicham kakaram ii nemasejai iwiaratsar weakur.

Shaámka mishari: Juinkia shaámka misharinia anin usumratniuiti, ju usumtinkia ashiman nuya nuwa nampernum wenak usumin ainiawai.



Chikich usumtaisha iruneawai, nampernum nuwa wenakka kukujin nuya jinkian jukiar nujai usumrar, nuya ataksha chikichjiai patatrar weu armaiyi. Nuya tukúm nuka kuish chinkiar apujtai, nuya aishmanka karis akitiai kuishnum tukumin armaiyi, chimiawain tusar tsaninpian kunturin apujin armaiyi. Nuwaka wenunmash tukumin armaiyi, kuru jankirijiai yajamin ain tusar. Irutkamu Yamanunkanmaka yaaksha aints usumar weka waitnsuji. Mashi iisam ataksha ju ii turutairi awakekir pujustai takurkia uyumanawai yaimmia nuya yaaksha nii pujutairi yaunchuk timia shiram amia nuna wakerakuinkia.

Yaunchu nakurutai

Shuar yaunchukia nakurutain nakuruki wenaka wainniatsu, Kichwa itirena ainias. Juna chichamunam, uunt anaikiamu chichak nekas juka emtatsji turasha ataksha juarkitiai uum umpuntajai tiniuti. Ju eamktainkia Muruna Santiak wainkiamniaiti, Yamanunkanma atsawai juna uumin uniu.



Chikich tarimiat aintsjai pujustin

Yamanunkanmaka chikich tarimiat aints kaunkar pujusaruiti. Étsa taitainmaninkia apach matsateawa ijujai takakmin ainia, Étsa akatainmaninkia kichwa matsateawai, atú painkia lojanmania aints nuya tsuer nunkanmaya kaunkaru matsatui, tura juu aintscha takakmainiawai Nunka machari ju ainiamunam. Ju nunkanam pujusar tii nukap nuatnaiyainiawai.


Junis juakaruiti juu irutkamuka chikich tarimiat aintsjai pachimnaikiaru. Aja chichamka nukap enkemui

kichwa chicamnusha, arakmatin arakchichu jea yantam. Juinkia tii arakmainiawai, cafén, kawarunchin nuya shaan, nuya nuran saakin takakiar wenawai, yamaikia jirun nunka kutsauncha achiakainiawai tumainiak kampunniun amuniawai, ekemarrar awajainiawai nui arakmatasar. Junaka nekaska apach jutikianiawai, nuna turuiniamtai uchi natsa ainiaka nakun, nuya inkisan mutsukeni chichainiawai tumainiak warainiawai.

Apach ainiaka uchirin akupainiawai apachnum. Chikich apach ainiaka yurumak surutain, aujtai papi surutain, jiru surutain nuya chikich aini auna. Nuya yusa chichamencha etserenawai. Católico timia nukap ajasarai. Chikich aints shuar ainiayat kauntar itit ajainiawai nunkan ikiamsar nuya numi suruiniak, nuya sanku arakmatas. Papi arma atsawai juni suruktai tama, tura nuyasha, nuya shuar nuwa apachjiai nuatnaikiaruka waketenawai nii uchirin yaruak aparin jeen aishiri tii awatu pujuream, tumainiak nuran nii shuarin kuitrincha amajki wenawai.

Nuin irutkamunam aints pujuinia nuya chikichnumia aintsjai tii penker anturnainiawai, tumainiak chikich takat enentaincha nekaki wenawai. Turasha nunka amajsarminiaiti nii surutmainia nuna, juinikia arantunaiktin, anenaitin, wait anennairatin, amin atin penker enentaimtunairartin, nu akuinkia tuke warinmaksha emkiar weartatui.

Shir awajnaiyamu takamchajai



• Shir awajnaiyamu nuumtaik irutkamuk

Nuin tuke pujakmanmaka timiancha amajnaiyamu awai nuya aintsan uchich irutkamunmasha aintsan. Iruntratin ipiamamunmasha máshikia kaunenatsui. Anturnainiatsui tumainiak mai tunai aja matsatui. Chikich arakia irutkamujainkia nunka nakarnaiyamujainkia shir awajnainiawai, tsuakratin, takakmin, unuikiartin ainiyajainkia.

• Itiurchat irutkamun yajauch amajea

Irutkamunam shir piujustinkia taamawai mai anaikiamuk aujmatsatin, papi aarma umiachmajai, aujmatchamunam, warinsha ejeratai tiri irunmanum pachiniachmanam. Nuka nankamawai pujakmanam nuya arakiajai.

Pujakmamka aints tuinsha wear atsuiniakui nui kajernainiawai, papi ju umiktai tama umiachmanam, umitiai papi iruntrar aarma atsa asamtai, uchich iruntraru uunt irutkamun taa nuna uminiachmanam, nekas uunt irutkamun uraiwiaru nuya tuke pujaku warinsha papi ejeratai umirnaikiami tamasha uminiachmanam, yamai kaunkaru papiniam anujkachmanam, uchich iruntraru penker kuitian umuchiniachmanam, kuit tui umuchna nu etserchamunam, papi penker aarar ujuwachmanam, nuya irutkamunu papi aarar uwachmanam, kuit iruntramunu penker umutchamunam, takat penker nu kuitjiai najanchamunam, iruntraru nakanaiyamu, tumakur ewenkamu ii nunke kakarmari. (Yamanunkaka atumi jeeniaiti.

Ituirchat arakia wainmaka nunka macharin ukuinin ainia takakmainia nui, takatan suritnianiawai, tura uunt anaikiamu ainia nu aya winia ainsur surtsata takatka tusa chihasmamam juka nankamawai. (GAD), juka naamkatniunam yainkiamnium tusa aini yapajiawar yajauch awajainiawai aints uyuma nuna nekaska chichamruk takatan sutsuk. Tu najankar takatnasha nankamas najankar ikiuniawai, chikich nunka tepakmanmaya kaunkar nunka machari ju ainiamunam takakmainiawai.



• Chikich tarimiat aintsu kakarmari

Chikich tarimiat aintsna iisha wakerukar iiniuka ajapa iniaiyamuka iwiarmamkaiti, tuntuisamu, jantsemeamu, yus enentaimtamu, nunkanam irunea nu nankamsar umuchiamu. Nankamsar enentaimiamu: nunka sumakar ataksha súramu, numi súramu, nukap tsawan takakmastin nunka ikiamma, numi arachiatur aya amuki weamu, nunka aneachma ishamsuk kampuntin amuamu.

• Iiniu, anaikiamu, yaunchu iruntram nuya takamcha

Yaunchuya chichamunu nuya takamchanu, iwiakmanam takat jutiksar najatai timia Sucumbíoska takakui, nekas emak enentaimsamuka nunka ayamruktin, timiau yaunchu puju asar, ayatik apach iin nupettamkar tarumiaru asar pujmawaruiti. Shuartikia, utsuaji papi umpuarma juakua nu uwí 1964, uraimiaji Shuar iruntram (FICSH), nekas muukenka Sukunum, nunka tepakma Moruna Santiak. Timianainia takatan jukiar wininiawai maj nunkasha uchich ajasmanam nu tumakmatai yamaikia nunkaka takamchatiniu ujuakamuiti, yaaksha chikichik winia nunkaruuti tichamniaiti.

Uwí 1970 nunka antinchamu armia nuka mashi akinkiamuiti, uchi tsakakarmati, maj ujumchik enentaimrarmiyi nunka amukchatai tusar, turasha tsankamkarmiyi jintia jiiktinian Quito-Lago Agrio, nunka machari amunmia nui. Chikich aints nui puju ainiaka wearmiyai Shushufindiniam, Lago Agrio, Cuyabeno nuya Cascales. Chikich shuar ainiasha nu nunkanman jewaruyayi. Yaunchu chikich shuarka pujuiniamunam.



Uunt matsatkamu Sucumbíosnumka Shuarka enkemawarmiyi jimira iruntramunam Lago Agrionam iruntraruiti. Ainias irutkamu Chárip, Étsa, San Antonio nuya Taruka, iruntrarmiyi uwí 1997 irutkamu shuar Bermeja, ficsh ayu timianam. Nuya pujusar ataksha nuna nukap iruntrarmiyi: Chárip, Iwia nuya Taruka. Nuyanka Takamtsuk iruntrarmiyi Takamtsuk iruntrarmiyi turawar Shuar Sucumbíosnumia tu juakarmiyi (Fepceshs), uraimiu juakmiyai uwí 1999 iruntram najanamu nuya 2001 iruntraru ayamrumaktinian.

Antsu irutkamu Yamanunka, juka yaunchukia itiurchatan iruntrarunam takakcha asamtai nuyanunka nunkanuncha achiakcha asamtai juka Lago Agrionmak apujarmiyi.

Junaka incha yainmakarmi tusa turiarmiyi, shuar iruntraru Sucumbíosnumianka iisha pachinkiatai in

iruntramurijjai yaaksha iishchamu tiarmiyi., tu pujusar nakanairarmiyi nuya itiurchat ajararmiyi nii nunken. Ju nankamasamtai nuik anairamu irutkamunu ainia chichainiak tee ajaras asatai tu tiar uwej uwí pujusta wats wari turamtiajik tusar pujuarmiyi. Ju chichamnaka nekas uunt iruntram ayu tama juaktiniaiti.



• Uchich Iruntraru takatan juinia

Juka tuaka pujusar anaikiamu ainiawai 5 aints juna takatan jukiarat tusar, niinkia takakmasartin ainiawai chikich uwí, nuya chikich anaikiar awajeaji. Juu anaikiamu ainiaka amikiartiniaiti papi iruntrar umpuarma aa nujai. Ainias juka uuntka iistiniaiti takatan penkerash najanainia tusa, tura patakarinkia niincha wats amesha juu takat jukitia tusa susatniuiti, tura kuitia juuka ninkia yamaram najankar awajtiniaiti kuit chichaman, nuya nui warinchu irunea nuna, nuyanka junisar takat junawai tusa etserkar ajatniuti; nuya ju papi aakminkia papin iwiar iruntraru ainia nuna junis takat junawai tusa iniankakar awajtiniaiti. Junaka uunt síndico iistiniaiti papin aminiawash tusa, nuya irutkamu papi umpuarma, yaimin ainianu nuya chikich ainia.

• Itiurchat wainiamu anaikiamu kuit umuchiamunam

Yaunchu naamak jijntraru, yamai namkaru, chikich irutkamunmaya anairamu nuya aints irutkamunmaya iruntra anaikiamu kuit umuchkatniunam nunka ajainia aujmtsaruiti. Ainias nekaska anaikiamunam 5 anaikiamu nijjai iruntrar takakmasartin, yaaksha ameka juwaitme tunaiyamusha achatin, nuya papi aakmausha, kuitia juusha, unuimiarcha ainiakaisha antsarik anairamu. Ju iruntraruka nisha mashiniu iruntrar takakmainia asar papi aakmincha nuya kuitian juusha nisha ju Numtaik iruntramunam chichaktinian nuya junis ati titinian kakarman achikainiawai, nekas uunt anaikiamu awajiamtainkia junisar pujaji naamkamunam tusar etserkatin ainiawai, turasha nuna aminiatsui, niinkia kakarman achiakcha tuma iisma pujuiniawai.

El presidente, vicepresidente y tres vocales deberían ser elegidos por la Asamblea General en representación de todos los sectores poblados; el síndico debería ser el asesor de la Comuna; el secretario/a y tesorero/a, como personal administrativo, deben gozar de la confianza del Cabildo y ser designados de una terma por méritos y oposición.



• Nuumtaik irunma uchich iruntramunan

Juu itiurchat wainniakaruiti: Timiatrusar takakmastin nekachma, enamkesar kuit umuchkatin jeachma anaikiarma pujuinia jui. Penker papi ajeturar aachma juin nuya chikichnum akupmasha; penker kuitcha umuchiachma, kuit nakartinniumsha, (enkemu nuya ajapeamu) irutkamunu; penker najanachma ju uwutin jutiksar kuit umuchkatai tama; ituur takat emkatin junaktiata nuya nunka timiatrusar wainkiatniut nu nekachma (GAD) nuya kuit akantratin iruntramunan.

• Warinchu ainia au, takakmatai jea nuya inkisan mutsuke ainia au



Ju uunt anaikiarma takakmatairinkia irutkamu jeent Yamanunka ajapen. Maj jeea tiisha uchichit penker pujusar takakmaschamin ankan atsawai, aints tainiajai umsarik chichaschamnia warinkish papiniu, nuya entsa, ijjatmatai, inkisa mutsuke ainiasha natenachu iruneawai, arak chichaschamin iruneawai.



• Naamkau chichamkartamu

Naamkaruka chichamkartuktinian achiakainiawai pujakmanmankesh turutskesha aran wekasar. Jui wainniawai nunkach ajamu, irutkamunam papi aarma ana nuna turuiniatsui, tii nunkach ajamamu iruykamu tuakar anaikiamuitiat nii irutkamurin chichamrutsuk, takat najanatniunam nuya chikich takat najanatniunam nekas uunt naamkaru pujuinia ai, nuya aints pujakusha peerchamu, nuya papisha yamaram najanchamu, yaunchukiajain pujamu; atsawai papi aarma penker matsamsatai tama nuya y nunke, kampunniuri timiau warinchi irunea au penker iistai tama atsawai.

• Iik chichamrumaktim nuya kuit eakmamkatin

Iruntramunam naamkaruka kuit uwitin akankamun achiakainiatsui warinsha turatniun, tumainiak ninki iturkesha chichamrumar waitmainiawai, papi aarma sukartustinniumsha, chichasar nunka machari ukuinin ainiajai EP nunka ikiamsatnium nu macha apujratniun, papi najantin yamaram aints enkemki wena nu nunka nakarar sustain, nuyasha nunka nakarnaiyamunam iturchat akui nuya kuit uwiniu apujsatin eaktin anaikiamu ainianu irutkamunu, nu nunka irutkamunu antimunam.



..... Yaunchukia amiktin aintsti pujamunam

Yaunchukia amitiandia aarchamu aya chichasrik timia awai juka iwiakmanun antiawai, ii pujutairi nuya itur iwiakaj, nekaska juna chichaneawai:

Yamaram nuatnaiyamu.	Nunka Surimkiamu arantuktin.
Uchi nuya nawan tsakatmaktin.	Yajasam yuminmin ainia au ashamkatin.
Arakmatai nantu nuya juwamu.	Kampuntin amamu.
Aints tunamaru wainkiatin.	Entsa taakmari wainkiatin.
Jakur ii tsuamatairijain iimiastin.	

Iwiakmanam takat jutiksar jukitia tamanam papi aarma irutkamunu

Nekas enentaimtutar najanma nukap ayu tama nuya umiktajai penker aintsti matsamsatin-kampunniujai tama ati tusar aarma. Ayu tuiniawai ju papi aarma anekesar ichiparar iisar, jianaitkiar ayu tiri umpuarma juakat irutkamunu tusar, ju turatniunu uniumanawai nekas nunka chichamruktinian unuimiatra, turar pachiktasar jimiara seamemu. Yamaiya juinkia enentai takaktsuji ju papi umpuarma junis juati tiri ayu titin.



Nánkammari enentaimtus uunt anaikiamu irutkamunu

Nekamtaí, máshi iruawai nekatain jujai enentaimsar takakmasma atiniaiti tura nekas najanmanam ii iwiakmari juarma atiniaiti nuya juinkia tarimiat aintsna atiniaiti, juka juneawai Iwiakmanam jutiksar

takakmastai tiri najanamu Shuar Sucumbiosnumia, turasha esaram enentaimnawai nunkayapi ajastatjia tusar ju uchi yama tsakainia nukap yapajniakiar wenamtaí. Nankammaka ju ainiawai:

● Nekamtaí nuya nekataí yaunchuya ii uuntri jintiamu, nekainiawai itiur kámpuntin puja nuya numi ainiasha urukainia nu.

● Kajekmajai nuya timianujai, nankamajai iyamkai aishaman mesetna ainin jiiniwai.

● Wakanniumia, ii nekatairijjai aintska nankamakuiti.

● Enentaimtaí, jeamu nekataí warinchu warijainsha najantai.

● Najaneamu takamchanam, penker iruntrar matsamsatin nuya jeanmasha ii shuarjai.

● Najaneamu takamchanam, penker iruntrar matsamsatin nuya jeanmasha ii shuarjai.

Penker pujustin umuchkatin nuya ituiurchat



Nukap uwi nankamasuiti, aintsun yajauchiri japiratsar, yajauch wakanin takakkui, waitramtaí, nakimiamtaí, kasameamtaí tumamtainka shuarka nii asutkiarin amintikin aarmiayi. Tuma asamtaí aintsun junian waininiakka warik nii asutkiarin amirin armiayi. Kasant jutinkin armiayi jimian nukap juukar jiniam epeawar, tii nukap mukintiamtaí, kasanka tapit achikiar muuken tarachjai ajirawar nu timianu mukuitiamunam shout weakar penke jakaimtaí peet nankimiawar aiapin armiayi. Nui ma nii kasamtairincha emenkain armiayi. Chikich turutai; aints waitramtainka tii penker anankawar yaki numiniam wakata tiar, penke yaki wakamtaí ajau armiayi, tura iniareak kajinmak nui waitrutairin ajapin armiayi.

Yamaiya juinkia nu turutainkia mashi wenkaraiti tura yamaikia amitiai papi najanamujai nu imruweaji, ii turutairinkia ajapar chikichnia amiktsar wakeruweaji, tuma asamtaí yamaikia irutkamu shuarnumsha tii nukap yajauch wainniaki wenawai. Anaikiamu ainiasha nuna umintikiatniun jeaniatsui.

Aninramu arantukmajai, ankan nuya ujakma

Papi umpuarma Art. 57 Ekuatur aarma chickak tawai tuke warinsha najantasrikia warik aninramu ati tawai, ankan nuya ujakma irutkamu, tarimiat aints nii ninke nuya nii pujutairi esmeramin ainia ainkia, turasha nu amikma ainiatsui irutkamu nunke ainia ai. Antsu chikichik arantukmajai turamuiti PROAmazonas iwiakmanam jutiksar takakmastai tusar iwiarmanam.



Pachinmia, mánitma nuya yajauch chicharnaiyamu iik takakmastaj tama nuya uunt anaikiamu

Ju pachinkiatin chichamnum, naamak nankamasu, anaikiamu yamai pujuinia nuya irutkamunmania, nekainiawai juna:

Majat ajamu irutkamu iruntratniun najanmanum warinkisha ju turatai titinnium.

Pachinkiar chicharmamkatin, metekrak takakmastin, naamkamu penker iistin nuya junisar takakmaji titin, nu nunka awai.

Nuwasha nisha irutkamunam pachinkiatniun ankantan achiakeawai nuya naamkatniuncha jeawai tama nusha penke jintiachmaiti.

Nunkaka jutiksar wainkiatniuiti nuya chichamrumaktin warinsha takak seamrumtiasar uunt naakaru ainia ai, nusha penke tirisha jintiachma.

Natsa ainiasha wakeruiniatsui warinsha junis ati titinnium, iruntratniunam, tuakmanam irutkamunam.

Nakatniuiti pachinkiatin irutkamunmasha awai, nuya pachinkiatian nukap tuakar chichamrumaktasar chikich naamkamunam kuit ii naarin winiana nusha itiur muchitia nu nekasasar pachintianti chikichaiti. Emkaka chichaneawai naamkaru wari takakna najanena, nunkancha itiur ayamruinia. Chikicha juinkia chichaneawai pachinkiatin nunka tepakmanum uuntcha kuit takamchatiniu winia auncha tui ajapea nu iistinnium. Ju takat itiur jutain nu penke jintiachmaiti aints matsatea nui.

Nekaneawai naamkaru nunkach ajainiamu chichamkartuktinnium nuik anaikiarmanam yamaikia wakerunawai nukap jintinratawarat tura mashiniu nisha nii nekamurin yamaram enentain nekawarat nuya yamaram takat nankamatniun, najanatniun, juarkitniun mashnanam; kuit itiur nashamatniuit ii nunken shuar asar. Manitmanumka ii pujutari ininkitin, ii chichame, nuya kajerkamua tuma nekapeaji; uchi yamai tsakakar chikichnan wakeruki juakmaki wenawai, nuya aints nunka ikiamsar takakmin, arakmin ainia, nuya aints nekashtai kaunkar tuke pujusaru jikir akupkachmin nukuniawaru.



..... Enentaimmia iwiakmanu: ¿Tuninia weaj?

Kakarmari nuya itiurchatri iwiakmanam Takat Jukitin Iwiarman

Nekatai nunka kakarmari, ju yamai uruka, arak itur tsapainia, yamai uruka kampuntin aa, achiamu, nashármamu warinchu amukachmin ainia au, nuya amukamin, ataksha awakekir timiatrusrik najanachmin ainia au, nuya aints nu nunkanam pujuinia, juinkia enamkesar jutikiatai ju ii achirmajnia jujainkia penker takakmastai tama atiniaiti. Aintsan, nekatniuti itiurchatrishia irurtiniaiti itur takat juaj nu, apujsatniuiti amuamuri nuya turatin, nuya tuke emtuktin nuya nekasash turuinia tusar nekapmamtiksatin.

Jujai metek, irutkamu Shuar Yamanunkan nunken ju wainniakuiti 19 kakarmari nuya 68 itiurchatri, ju yamai amuamunam nekas iturchat aka nukap chikich aintscha matsatma, enentai ankan, ankan enentaimmia, warinchu ainia; (entsa, ijiatmatai), jea, iwiakmanu nuya ii pujutairi.

Nunkanu

Kakarman achiakeawai nekaska pamparmanam, papiri achiarkamunam, nunka machari aa asamtai tura nunkach awai warinsha yamaikia, ekemamar amajeachma asa. Itiurchatrinkia tikich nunianchitiat nunka pujurawar itit amajainia nuya kampuntin amuwamu.

Kuit Iwiakmanam takustin

Chikich enentai kampunniunmaya nasharmitin, yajasma, numi nuya chikich irunu, 4 kakarmarinkia ju ainiawai: atash pachimrachma tsakatmartin, namak tsakatmartin, aja takastin nuya kukuj tsakatmatai Nunkui najanar iniakmastin. Itiurchatri, jintiamu atsawai junisar arakmatniuiti tama, numi penker ainia atsamu, yurank nuya arak tsuak iiniainia, warinsha yapajiachmin (trueque) ajanmaya arak, yurumak warinsha surukchamnia, jintia yajauch, nuyanka chikich takat yajaya aintslesh tar iischamnia.

Pachim aints matsatma

Juinkia pachim aints matsatu asa nuya nukap irutkamu ainia asa, chikich tama amiamu aints-kampuntin, 6 kakarmari wainniawai: nukap aints natsa, kakainiawai jintiatsa áartinian shuar chichamjai. Iniash wainkiatin, jea nerenniuri nuya tsuramat awai. Turasha nui 21 imianchari iruneawai penker pujustin iwiartukchamu ainiawai, aints chikichnumia kaunkar, nukap aints uchich unuimiataincha amukcharu ainiawai, ii arak tsuakri kajinmatkimiu, jea nankamas pujuinia, entsa, ijiatmataisha atsawai nuya jea irutkamunu jeamkayatur pachischamu ainia.





Ii pujutairi

Juka aints itiur iya nunkan nuya nayaimpijai nii pujutairijai apatak timiajnisan nuya wakanijai, nuya yaunchuk jakarujai wearujai wainniayamu, irutkamunka 2 kakarmari wainniakai shiram pujustin aishman- nuwa nuya aartin shuar chichamjai jintiamu. Tura timiancharinkia nii pujutairi, nekatairi emenkaku, papi aarma atsa ii pujutairi iniankitiai tama, shuar chicham nekachma, ii takatmatairi najanchamuri..

Sutarach tama, Irutkamu Shuar Yamanunka pujawai itiurchatnum nii pujutairin emenkawai, chikich aintsu pujutairin jukiarai, turaju ataksha awainkir iwarachminiaiti, tura aintsan wishikiartatui juna pujutai nerenniuri, naarincha yaja apujkiar wenawai, apach chichamnasha penker chichainiachiat antar jutaki ajainiawai, tumamtai apchkia wishikianawai, aya nii chichamen chichainiak penker, arantukma, ankan, iruntraruru nuna tumainiakui takatnash susartatui apach ainia, juna manitkiatsa yapajniawar, nuya nii pujutairin-nekatairin- aanam yamai ana jui.

Najanma nuya uunt anaikiamu

Takat shiram iik ii nunken najanar amikir weamu aishman nuya nuwajai. Ju timiajai, 3 kakarmari wainniawai: tii penker iruntraruru nii irutkamurijai, wararsamu nekamu juakuiti ju yamaram iruntra, Unnt Takatan Arakmatniun nuya waakan chichamrin (MAG) nuya jea jeamramu Takatan ju ainia Nunka chichamrin (MAE) Yamanunka ajapen, takakmatai jeencha achiakenawai, tura imiancharinkia papi yamaram umpuar, amitiai papi mashi amatai ayu nekas Shuar Yamanunkanmania nekamu juawai tama, nekas Aintsun Ayamrutain chichamrin.



.... Ímiarma, pujamu iwiakmanum jutiksar takat jukitiai tama

Pujutainkia enkeawai takamcha irunea auna ujumchik nuya esaram, aintstin iis. Aikta aninramu: ¿itiura aints wainmama nuya niin tentainia nunasha ujumchik nuya esarmancha?.

Juka najantasar juarma pachimratasar warinchu máshiniu enektasar tarimiat aints shuarna,


iwiakmanam turamu wainkiamu, juka ii nasharmajnia warinsha pujamunam iwiakman penker pujustinian amana nu. Itiurchatrinkia juinkia, manitkiatniuti ataksha ii pujutairi iniankitiai tusar, nuya ujumchikkia nakuinkatai yajauch ajakir nuya ayamrumaktin atsana au.

Uwi 2030 nakaneawai irutkamu Shuar Yamanunka nekamu ati, nekas shuar nunkente tama nunka tepakma Sucumbiosnumka, aints neka umchkamu asa emeawai tama ati. Nekas ataksha nii yaunchu pujutairinkia awakekiaruiti tama ati, tsawan nankamamunam emetamuiti ii pujutairi tiarat, turarasha ataksha lwiakma; iniankiji, timiaktrusar nuya wakainjiaisha, nuya chichame shuar chichamsha, ataksha awainki ankan shiram amiajnia antsarik; ankan, nekapsamin nuya tii penker.

Nunka machari penkerinkia, timiatmaka tii penker umuchkamu atatui máshiniu aintsna. Nuya aintscha tii penker entsa nuya iijatmataisha mashi takuartiniaiti, jintiash weka ajamnian, irutkamunmasha jeasha yamaram tii penker jeamramu, shiram wara, warat pachiniamu nunka umuchmanmasha.

Las nuevas generaciones lograrán recuperar los bioecosistemas degradados del pasado, para volver a sentir la vida en todas sus manifestaciones. Los ingresos económicos estarán relacionados con el aprovechamiento sostenible de los recursos naturales, la

prestación de servicios turísticos, el procesamiento de productos agropecuarios, las iniciativas de bioeconomía. Habrá ya la capacitación suficiente para que se asuman cargos y responsabilidades en todos los niveles de gobierno, en el sector público o privado.



ENENTAIMMIAJAI APATMA

Enentaimsar najanamu Iwiakmanam takat najatin Irutkamu Yamanunkanu	Enentaimsarma Emkatin Emetmamatniujai	Enentaimsarma Takat najanatin tankamcha nunkanam Emkatin	Enentaimsarma Takat najanatin pachiniairar Tarimiat nunkanam
Yaunchu uunt shuar ituirak puju Armia nu awainkitin, ataksha Awakeamu aintsan ati ii pujutairi.	Apach matsatkamu nuya irutkamu tariarma	Nekasaiti nukap aints ujmatma, antumaiyamu nuya nukap Tarimiat Aints iruneamu, ii pujutairi ikiakakur.	li nekatairi yaunchuya ikiakakur nuya iwiakmanu nekamu tarimiat nunkanam nukap Tarimiat aints matsatu iisar, nekaska jeamun nuya ankantan emkatniun jui ii pujutairin amasat tusar.
Nekamatin ii pujutairi Aints – kampunniujai, ayamruktin mashi nunkanam kampunniunam iwiaku irunea au nuya nunkanam pachinmia.	Kampunniunam matsamin	Kampunntin arantuktiniaiti yamaia uchi nuya ukunam uchi akinki wininia ausha.	Irtiniaiti aints timianaitjiai takakmaki weana nusha nuya kampuntin nakamusha, nuya penker iistiniaiti nunka machari ju ainiasha, nuya ikiumastiniaitji juka tii penkerai yajasma iwiaku pujutai asa.
Kakartiniati jeaamujai arakmatin, Warinsha najanatin nuya suruktin arak ankan amukachmin ainia au	Arakmar turutskesha warinsha yurumatin turasha penker aneamajai.	Emkatin ii jeaamujai arak takatjai nuya iin tentatmajai, nekas penker yurumatniunam nuya emkatin arakiajaisha.	Wait anentratin chikich arak ainiasha, penker warinsh turakrishia kuit nashamrumtai Amuicha nya amuin akuisha aintsan takata jua tii penker unuiaru, ajeturu atiniaiti jiiktiniaiti nukap tuinkish surutkmaktinian, nekasaiti mashiniuti turaji arakjainkia.
Ikiakartiniatji ii pujutairi tarimiat Aints Shuar irutkamu Yamanunka Tama.	Penker pujustin.	Nekasaiti nukap aints ujmatma, antumaiyamu nuya nukap Tarimiat Aints iruneamu, ii pujutairi ikiakakur.	li nekatairi yaunchuya ikiakakur nuya iwiakmanu nekamu tarimiat nunkanam nukap Tarimiat aints matsatu iisar, nekaska jeamun nuya ankantan emkatniun jui ii pujutairin amasat tusar.
Aitkiashniaiti ju tsawan yapajniaki wea au emenkaktiniaiti ju nunka yajaucha ajaki wea auka, ataksha iwiakma nunka timiatrusan ajasat tusar.			Irtiniaiti aints timianaitjiai takakmaki weana nusha nuya kampuntin nakamusha, nuya penker iistiniaiti nunka machari ju ainiasha, nuya ikiumastiniaitji juka tii penkerai yajasma iwiaku pujutai asa.
Anaikiarma takatrin penker nunka chichaman jukiartin, nekas timiatrus enentajjai nuwasha pachinkiamujai nuya iruntru chikichnumia yamai tsakainijaisha.	Metek aishmanjai nuwa antumaikiatin	Nekasaiti titin, mashiniuti iwiakmanam takat metekrak ankan sunaisatin.	Nekasaiti titin, aintstikia ankan, ankan ii ayamrumaktin achiakeaji. mashiniuti uyumanawai winiasha iirsarat titin, wait Anentrachma ajapamu tarimiat aintstikia, nu turakur najanattaji Ekuaturnum penker awajnaiyamu nuya nup matsatma.

Takat mashi nunka tepakmanam emkatin, Ekuaturka junaka ayu amiktajai tiniuiti 2030 tura nii Enentainkia Emkatin nuya emetmamatni nuwaiti (ODS), takamcha nunka enketkamunam. Aintsan jutiksar pachimnairar Kampuntin tepamanmaya matsatujai takakmasta tama, apujui uwi 2035,

Ekuaturnumia kampuntin tepakmanmaya emka arat ju jutiksar takakmamun, niiniun tuke an wainkiatin nuya pujutairin, nekas niiniun aniamrumak, tuke pujakusha kakamu neka ainia, kuit nashamrumma amuin nuya amuicha.

Penker timiatrusar apatkat Irutkamunanujai nuya kara Atitramu Takat Irunturar nunka Kampuntin Tepakmajai

Irutkamu Shuar Yamanunka emkitiai takakmasar ii nunke tusar Kara atirmaka junisaiti Irunturar nunka kampuntin Tepakmajai wainkiatai emkitin ayamruktinjai nuya tariartinjai ju papi aarmajai, uwi 20235 maj un ujumchik timiancha timiatrusar ajekachmin iiniawai ekuaturnum kampuntin nunka tepakmanam, timiatruiniawai ayamrumakmin timia:

penker iistin niniun nuya nii pujutairin nunken aintsrin ayamruktin wainkiatin enentaijai, pujakmanam emkatin nuya chikich matsatenajaisha takat chichamjai nasharmamu amuicha nuya aminiujaisha, takamcha nunkanam nuya nunka kampuntin tepakmajai penker pujustin eaakur.

Takamcha tamajainkia, nekas penkeraiti iturchat aa penker nekar iwiarnartin, nunis asamtai takat irutkamunam Jutiksar jukitiai lwiakmanam timia nuya Jutiksar nunka tepakmanam Emkitiai tusa enentain nuya jeaktinian apujsarua nujai apatkar amiktiniaitji.

Enentai emkatin tariartin

Takat mashi nunka tepakmanam emkatin, Ekuaturka junaka ayu amiktajai tiniuiti 2030 tura nii Enentainkia Emkatin nuya emetmamatin nuwaiti (ODS), takamcha nunka enketkamunam. Turasha tukeka manitmaka atsui enkitia ju takat sutarach nuya esarmanu chichasma ana aunuka tuma asamtai uymanawai au enamkesar ichiprar

najanatin emkatin. Tuma asamtai, patatkatniuiti enentai pujakuti nuya mash nunka tepakmanmaya nuya wainkiatniutji aminkiat takamchati tamanam. Ju jintianam, Jutiksar lwiakmanam takat jukitiai timia irutkamu Yamanuka ataksha timiatrus apujsaiti nii enentain, 17 enentai emkatin tariartin (ODS) tiri apujsamunka 15 amiki wea asa.

- 1 Apach matsatkamu nuya iritkamu.
- 3 Arakmamu nuya yuamu penker.
- 5 Najanamu, emeamu, entsa, ijjatmatai, jea.
- 7 Takat maaktaku nuya kuit tsakatmamu.
- 9 Mai metek aishman nuwajai atin.
- 11 Unuimiat nuya tii penker.
- 13 Kuitrincha ama amuka.
- 15 Iruntramu enentai penker jearatsar.

- 2 Ankan nuya umiriamu, iruntramu nakak atin.
- 4 Kampunniunam pujuainia.
- 6 Tsukasha atsa.
- 8 Metek achamu itiarma.
- 10 Entsa wincha nuya penker iisma.
- 12 Penker pujustin.
- 14 Tsuramtasha achiakma.

Achitra Jutikiatai tama Takamchanam nunkanam Emkatin

Amintikiatai Jutikiatai tama Takamchanam nunkanam Emkatin 2017-2021, lwiakmanmanka jutikiatai timia irutkamu Shuar Yamanukanu aintsa ataksha amamkes apujsaiti nunka chitramurin takamcha nunkanun jutikiatai timian, ju ainiawai:

- 1 Iwiakmanam máshiniuti kakaram takustin.
- 2 Kuitkia mashiutin yanrateawai.
- 3 Tii nukap amanam, nuna penker Iruntramu tepaku

Enentai Jutiksar Takamchanam Emkatin

Nuik chichanea aintsan, Jutikiatai iwiakmanmaka tama irutkamunuka ju 5 enentainjiai Emtuneawai 2017-2021:

1

Anamkesar shir anturnaiyamu nuya nukap tarimiat tuaku, ii pujutairi ikiakaur.

2

Kampuntin tepakmaka nisha arantukma atiniaiti tiri uchi yamaiya nuya ukunam wininia au jintintiatin.

3

Emkatin jeaamujai takakmasar warijiansha ii pujutairin, tii penker yurumar pujustasarnuya emkatin pachiniairar nui pujakmanmanka.

4

Máshi aints metek ankan sunaisartai tumakur penker iwiakmanam pujustai titin.

5

Paantin ati takat juamusha tusar penker umuchkatin nuya mashiniuti amiktin, yamaram enentai mashiniu aintsti najanma ati tusar.

Enentai Jutiksar Pachiniairar takakmastai Kampuntin tepakmanam

Papi uunt umpuarma paanmamu Nunkaka Kampuntin tepakmanmanka Junis atatuí timia yumi nantutin uwí 2018, iwiakman itiuir kuit irutkamu irunea umuchkitniuit nu, ta jutiksar umuchkiatai tiri papi aarma atiniaiti, enkatin nuya amamkesar itiuir atiniait nu ejeramu atin GAD Nunka Kampuntin tepakma papiri amiktin Ejeratin. Iwiakmanam Jutiksar takakmastai tamaka, ma, papi umpuarma penker ii nunke wainiakur emkitiai Tarimiat aints ujumchik,

ainia nuya uunt tarimiat iruntra tamaiti, juka mashiniu aints pachintiu jianaitkiar najanamuiti. Juka Takat najanatin enentai jukar irurmaiti Achitramu Takamcha ajapen pujutniuiti nuja takakmantsat tusar. Nunis asamtai, Irutkamu Yamanunkaka Jutikiatai iwiakmanmanka tusa ataksha 5 enentain juuk Jutiksar Pachintiurur Kampuntin tepakmanmaka (PIA) junakti tama ju ainiawai:

Enentaimsamu 1:

Iruntrarma Takamcha nunkanmaya emtikiatin mashi nii enkeamunmanka, mashiniunam nuya chikich ainia aisha ii nunkencha yaimmia awai titin.

Enentaimsamu 2:

Aintska chikichik akusha tuke arantukma atiniaiti nuya nukap ainiasha nisha tuke yainma anturkamu artiniaiti, pachischamu achamniaiti, uchich tarimiat iruntra nuya uunt tuakma tarimiat, Takamcha pachinrar anturnaiyamu nuya amukchamin takamcha iruntra nekas paant najaneakur.

Enentaimsamu 3:

Yaunchukia nekatai paant amajeamu nuya iwiakmanusha nekamu juka nukap tarimiat pachiniairar kampuntin tepakmanam matsatmanam, nekas jeaamu jiiat tusar, ankan susamu atin nuink pujakmanam.

Enentaimsamu 4:

Ikiunkir wetin warinkish takatkesh najankir weakur, nekas enamkemsar nuya tariarar umuchkiatin ii nashamrumtaijiai amuicha nuya amuin ainia ausha, nuya penker unuinartin nekaska takak nuna penker yainratkamnianam nuna aints takatan juasha, tuke ii nunkejai, nekas turuniawai metek iruntrar arakmin ainiasha.

Enentaimsamu 5:

Majatmamtikiatin aints aantar timianmamut aja nu nuya penker akantratin kampunniunam irunea au, warinkisha emeskarain nunka machari ukuinin ainia nuya wainkiatin warinchu tii penker ayamruktin kampuntin nunka ainia au.

Nekas Jutiksar najanatai tamajai iisam, emkiar wena wainniawai nii nashamrumtairi amuicha ainiajai takatan najanainia nujai, iruntraru kakamu, yajauch nekapeamu tsapin imratin, ii yaunchu nekatairi paant awajkitin, nankamas takat najanatin, penker unuinartin aints jui takakma tuke ii nunkejai emkitniun nekat tusar.

**Uyumamu**

Nekas uyumamu iisar Jutiksar iwiakmanmanka takat jukitiai irutkamu Shuar Yamanunkanuka, najanamiaji enentaimsamu papiniam peerar, nui jintiniawai itiura chichamrumaktiniat, najanatniut, warijiansha takastin, nuna nukap nasharmitin warinchu ainia nujai turutskesha timianchari peekma ju papiniuman aa nu. Ainiash, atatui warinsha takat, penker aujmtsar jutiksar emkatai nunka chichamjaisha (PDOT) timia nuyasha GAD nuya warinchu suamu nunak, nunia tsawant 10 uwiniam.

Enentai apujsatin nuya yaunchu ii nunke amamkematin

57% irutkamu nunkeyiati tuke kampuntin nunka tuke shiran suki weawai. Turasha numi penker ainiaka atsawai nuya yajauchich numisha atsawai, yurank mukuntaisha nuya chikisha atsawai. Nunka arakmaktin timia 41,40% saak nuya kawarunch, café nuya sanku au iruneawai. Yamaiya juikia nukap ankan awai antinchamu, juikia takakmasminiaiiti nankamas arak pachimkiar arakar, turutskesha arakminiaiiti kampunniunmaya numi (agroforestería). Aints pujuiniamuka ujumchikiti 0,1%. Ju penkerjai, iyamka nashamu ajat penker nunkasha awai tamaiti:



- Amamkematin aints tui pujusarta nu (tii nukap matsatma).
Ankan susatin nunkan ikiamas takakmasat tusar ankan aa wi takakmautjai tama, GAD juna,
- warinkish jea iruneana, ijiatmatai, entsa au mashiniu aits irainia achikiartin nuya irutkamunu nukap pujuiniamunmanka.
Nuna penker najanatin Yamanunka ajapen winitia tama, ijiatmatai, entsa au mashiniu aits irainia
- achikiartin nuka yaimiu aints irainiak yujanum, unuimiatnum, warichiksha ii ajamin ainia apujkatin yaunchu uuntri takutairinsha.
- Ataksha awainkitin unuimiatra jintiamujai warinsha najanatniujai turutskesha arak arakmatin nunka ankan amanam penker numi nuya timiancha numi ainia aujai.
- Awainkitin nunka tsairan ayamrin, entsa taakman: entsa Blanco, Chorrera, Jivino, Itaya.



Chicham ajeturma irutkamu enkatin

Máshi anaikiamu matsatkamunu arumna nu irutkamu juna aminiak emkarti tiri tesakmajnia nu papi ana nu amimtikiatarum, irutkamunam iruntrar pujustin ati, kampunniunmaya nashamna najai, ii pujutairi aniankitin nuya tikichjiaisha anturnaiyamu ati. Juka maj ajekattaji, mashiniuti arantunaiyakur, numtaik maniamu nuya nuwa arantukma akui, nuyasha yaaksha aints kajerkamu, maamuksha atsutniui urutainsha. Ju juniakur ii nunke emkatin chichamruktatji.

Pachiniairar shiram pujakikia, takakmajnia ii penkeri eakur nuya ayaksha shiramkampunniunmaya anin, tumakrikia nekas emkir weaji tura ju mashe irurmaka ataksha awainkiji kampuntin emesmasha majateawai, penkermatai nunka antiainia au turar chichamrumaktai warinkish ainia waitmatai tusar, tumakrikia shiram enentarattaji, tumakur nuchamtaik ii pujutairisha iwiarattaji, ii takutairi nuya ii chichame Shuar chicham.

Enentai chikich ainiajaisha irutkamu emtikiatin

Enentai chikich ainiaika juka uunt naamka tarimiat aintsna aa asamtai; juinkia ninkia takakmasartiniani sutarach takatjai nuya esaram takatjai, mua tesainiawai iruntrar nuna apapekarat tusa, mashe nii nankamurijiai. Ju enentaijiankia aints penker pujustinian warastinian jintintiwai. Penker ii kampunniurijiai wainiakrikia tuke penker pujutnum juramji.



Jutiksar Iwiakmanam takat jukitiait timia irutkkamu Shuar Yamanunka tii enentaimrar jajanamuiti, yaunchu pujutain Shuar urukua atiniait nuna ataksha iniankitsa, aintsan kampunniujai iwiakman ataksha timiatrusan awaikitsa. Ju juarmajai, ayamruktiniaiti kampuinnunam irunun, kampunniun nuya nukanam pujajnia auna, aintsan arakmatin ii jeamu, warisha najanatin nuya suruktin yurumak, kampunniunam irunu amukain tusar, ju iincha itiurchat amajtamji.

Chikichjam tamaka, emkatin tamaka iyawai ii pujutairi kakaram tuke ajaki weti irutkamu Yamanunka, tiisha nukap shir awajnainiatji tarimiat aints Shuarjainkia. Juka tsankatramkattaji nekas nakak ju nukap iwiakma ama kampuntin emesmaka, amuamuka majatattawai, ii Jutiksar iwiakmanam matsamsatai timia timiatrusan aminkiaittawai.



Ajekatin

Juka tui jeatsaria wakeraj nui jeaktiniaiti nukap enentaimmianmasha jeakminiaiti, tii penkernum, tsawan, nu ii tui jeatsaria tesaj timianai. Ju enentaimsar tunawai, Juna takatan najanin ainiaika achiakenawai, Jutiksar Iwiakmanmaka takat jukitiai tusar nii wakeruinia timianai iwaramun achiakainiawai. Jeankatsa wakerunawai nuya uunt penkernum nekas jui:

- Anamkesar shir anturnaiyamu nuya nukap tarimiat tuaku, ii pujutairi ikiakaur.
- Kampuntin tepakmaka nisha arantukma atiniaiti tiri uchi yamaiya nuya ukunam wininia au jintintiatin.
- Emkatin jeaamujai takakmasar warijiansha ii pujutairin, tii penker yurumar pujustasarnuya emkatin pachiniairar nui pujakmanmanka.
- Máshi aints metek ankan sunaisartai tumakur penker iwiakmanam pujustai titin.
- Anamkesar shir anturnaiyamu nuya nukap tarimiat tuaku, ii pujutairi ikiakaur pujustin.
- Paantin ati takat juamusha tusar penker umuchkatin nuya mashiniuti amiktin, yamaram enentai mashiniu aintsti najanma ati tusar.

Ajekatniuka mashi enentaimsamu amikma Emkatin Tariartinjia (ODS); 3 achitramuri Takamcha Nunkanu Jutiksar Takamchanu Emkatin (EJE-PND); nuya enentai Jutiksar Takamcha nunkanam Emkatin (O-PND).

Itiura nekatniut

Mashiniuti nekatsar wakeraji nekash ju aminkiat tesakma tusar, Chikich enentai nuya chichamkartuktin Jutiksar Iwiakmanam takakmastai tama. Juka yupichuch iistinkia urutma pachinkiarai un nekatniusha, wari takatnak najanawara nu nekatniusha, aintsan tuakman najawarmataisha nekaniuti urutma nukapek pachinkiara tura yaki ainia nui pachinkiarusha, warijiansha nekamniaiti, nuya yaa anaikiamunuksha irutkamunmaya pachinki papiri iirsatniuiti.



Jintia enentaimsamu Iwiakmanam Najanatin

Nekatai tusar wakeramu awai nekasash Iwiakmanam Najatin irutkamu achiakea enentaimmia aarman Jutiksar Takamchanu Emkatin (PND) 2017-2021, nuka nekamtikiawai nuya nampermateawai metek atinian nukap tarimiat aints ainia amataisha nuya nuka takamchanam ana au. PDN juka arantawai yaankesha yajauch enentaimtutsuk chikich iruntramunmaya asamtaisha, nuya iyatsui aishmankashit nuwashit nunaka, nuya uwirinja, urukuit, tuniampait nunasha iyatsui. Yajauch iyatsui aints tunamaruncha, nuya chikich nukanam weancha, nuya sepunam pujancha.

Chikich takat ainia


Yamanunkanmaka nukap takakmakur numi ajara amuamu awai 80% ju yajauch amajsachtinpiash nunken, ujumchik majatmamtikiatar wakeramu awai. Juka nekatniuiti, tsawan papajniaki weawai, entsa kuniukarai nuya yumi yutasha wainniatsui. Tura yaunchuk tii kakar yutiniuya tuntiak nantutin tura amuniuyayi tsunki nantutin amuwamunam, Entsa kuniumuka shakaim nuya ayumpum nantutin auyayi, yamaikia tumatsuk nekachmin nakamas ajawai.



Tuma asamtai, nu majatmamtikiatar nunka sankun aratsa ikiamsataj tuiniakuisha suritniaktatui, juu arakka tiisha nunkan uniuminiaiti tura nukan nuya Étsan uniuminiaiti. Nuya seamnawai inianiasti nunka numiri amutmasha, entsasha nuya atasha paparat tusar arantuktai iwiaku entsa puju ainia ausha. Juka tunawai ujumkeka entsa kuniuku nuya entsa taakmarisha mash muju, muju akarua au ataksha timiatrusan ajasat tusar tunawai.

Chikichjiai tamaka, takat najanatin nunka, Kampuntin ujumkeka tsuantrat tusar, entsa initkania jirma, yajauchisha inikiani weti tusar waá jirma, tujain ujumkeka nunka nuya kampuntin ayamrain nu najatatin, tura jea Irak wekainianu, ju turamka aintsu iwiakmarin nuya penker pujustinian yayawai entsa kuniutain turak nunka nuya kampuntin, entsa ainia auncha emestsui, juka itiurchat ajawai, entsa amajin pujameak, nui emesseawai.





Takat tariartin

Takatjai tariartin tama juka nakak antiawai kampunniunmaya nashamrumji auna, shaa kunturmari najanma, café, kawarunch; atash ipiampartin nuya apachi kantashri, arak sunausatin, kunkunti nuya nekamu; jintinratatin junisar takakmatainti tusar, ajamamu Nunkui ataksha juarkitin nuya ii arake jiirar iniakmastin. Juka mashi enkeawai iwiakmanam kuit wainkiatin, iwiakmanam warinchu surutmaktin nuya iwiakmanam warijankish takakmasar kuit tsakatmartin.

Tariarar pujustai tusar warinsha turamuka jintiawarat uwitin irutkamunam pujustinian: takakmin ainian, natsan, nuwan, iruntrar, takakmin, juka amiktaji tiartatui, nekapsar iisartatui nekawarka nii takakmamurin, nuya tikich aintsnum jitiawartatui.

Itiurkatniuit, tentaktin nuya nekapsatin

Itiurkatniuit, tamanmanka juinkia iruntramun uuntri iistiniai wari wakeruna nuna nekatsa. Ninkia anintrustiniaiti, aujmatnatniuti, tuakmanam nuya chikich ainia ai. Tentaktin taji nuisha aintsan, juinkia tentak iistiniaiitii aintsri wariniak pujurainia, wari takatnak najanainia nuna nekatniuti, nekasash Jutiksar Iwiakmanam takakmastai timia nuna uminia tusa. Amuamunam nekapsatin, nuinkia juna tawai, amikiarash wena nii ankan, ankan enentaimsamunam Jutiksar takakmastai timian.



Warinchu warichikna warinsha turataj tamajai Jutiksar Iwiakmanam jukitiai tama

Ju takat Jutiksar Iwiakmanam jukitai takurkia emkaka mashi iistiniai turar wari uyumana un nekaktiniaiti, turar wari takata juarnaktiata nusha mamikmarmatainiati, nusha un takatcha jeamnia atiniaiti, nakarmin, sutarach nuya esaram tsawannashit; jintin iniakmastiniati un wakeramu jeamniashit nuana. Aintsan warik chichastiniaiti uuntan kuit urutma utsumna un akantuktin.


Irutkamuka nui enentaimsatniuiti nekasash ajenit chichakma Jutiksar Iwiakmanam takakmastai timia, Juinkia iniakmastiniati iirkajai, samek apujnastiniaiti shiram takat enentai apujtusmajai timiatrusan aminkamtainkia, tura yunkum apujsatniuiti ujumchik takat timia timiatrusan aminkiamtainkia, tura kapaku apujsatniuiti timiatrus aminkiamtainkia.

Irutkamunmanka, juinkia takamcha tuakmanam anaikiamun chikichkiniak nii wekatus iistatui tama atiniaiti Jutiksar Iwiakmanam takakmastai timiajai, nii mashi neka nuyanka papiniam kuismak etserkaymiuiti, ajekatin aminkat tusa.

Takakmastin iwiaratin

Takat jutiksar jukitiai tamaka tsawan tesamu iisma atiniaiti, takat najannatniun naari peerma atiniaiti chichamruktin turutskesha takat amiktin, junaka uunt anaikiamu irutkamunu takutniuiti, nekas emak enetai jurkamujai juarkitin nuya tsawan tesarkatin takat juarnakit tusar ukunam juya 10 uwitin.






Jutiksar Iwiakmanam takat jukitin amiktintri

Juinkia etserkatniuiti itiuur takat najannata Jutiksar iwiakmanam najannati timia, juu takatka iruntrar takakmastiniaiti mashi anairamu irutkamunmayajai (uunt anaikiamu, patatkari, kuitia juu, papi aakmin, irutkamu uuntri) juinkia naamkaru takatan najanin Jutiksar Iwiakmanam takakmasta tama nuya takatan tentak iin nuya nekapas iin, uunt anaikiamu chichamkartin nuya 4 yaimin: nunka iin, kuitian iwiakmanun chichamrin, tarimiat tuakman chichamrin, aintsti nekamu chichamrin.

Irutkamuka penker iruntra atiniaiti juu takatan najanatas wakerakka Jutiksar Iwiakmanam jukitiaj takunka, juna takatan juaka aintska penker amikmin atiniaiti nuya penker amamkematin tuma asamtai ayu timia nuya najanamu, achiaku atiniaiti amikrin uuntan anaikiamun (GAD). Ju yaimkiatin ainiawai. Ju enentaimturma atiniaiti:

Uunt takatan jukitin

Juinkia takat najanatasarikia, uunt irutkamu anaikiamu juna takatan jukit tiri anaikia iistiniaiti, ju nii chichamruktiniaiti juarnakit tusa Jutiksar Iwiakmanam takakmastin timia. Juna amiktiniaiti:



Chichamruktin takat najantin amuamu, itiuur najanatniut chikicha pachininiajai nunanujai apatkar.

Chichamruktin nuya nemarkatin takat najanmanam iruntraru chichamrukarman.

Penker chichastin nuya amamkematin takakmin paanmamunam takakmainiajai, nisha takakmin ainiajai, yaja nunkanmayajaisa aujmitsatin, kuitjiai yainkiarat tiri.

Yaimkiatin, anitrustinnium nuya etserkatniunam irutkamujai, mashi takat itiuur najanamuit nujai.

Mashiniu jintintiatin uunt irutkamunam aniaikiamu nuya tuakmanam papi umpuarma irutkamunam ejeramu, nu ayu tama atiniaiti.

Ujaktin iruntramu uuntri utiurait ju takat achirmaktincha, Takatan chichamrin nunkanun, kuitian nashamin nuya papi aakmin.

Tentakar iistin, emtuktin nuya nekapsatin takatna nuya turatai timia.

Wekatusar Isartin

Juka 4 yaimin anaikiamu artatui, nunkan wekatus iin, iwiakmanam kuit. Nukap matsatman nuya Mashiniu nekamu. Ninkia juna amikiartiniaiti:

Ayu timia juwawai Jutiksar Takakmastai uwíniam turatin timia irutkamunam anaikiamu yama uwí juarmanam.

Ayu timia atiniaiti aints uunt anairarman naari peerman.

Titin nuya ayu tajai irutkamu papi umpuarman juu takat jukitniunun Iruntramunun.

Iwiaratniuiti papi irutkamunam umpuarma nunka chichamna juka tuakmanm ayu timia atiniaiti.

Juarkitin takat anaikiamu asar nuya nemarkatin uunt mashi nu takat Jutiksar iwiakmana jukitiai tamanam amimiam.

Jintinratin

Juu takatnaka jukitniuiti uunt irutkamu uuntri, ya amiktinian achiakea nuka niyaiti:

Istiniaiti uunt aniakiamun Iruntraru ju amiktinian umuchkachmin papi aarma, umitiai papi turutskesh irutkamunam amiktin timian.

Nekas irutkamu anaikiamua ainias pachinkiatniui, uunt anaikiamujai metek, kakaram chichamnum nuya chikich ainia ai.

Umuchkiatniuti papi yamaram najankamu, umitiai papi, irutkamu timia umiktinian, yaimkiataj tusa kara atitramu nunka chichamnum.

Aujmatsatin nuya amamkematín aints akupmajai ju takat najanatniujai; tentakar nuya nekapsar iistinjai Jutiksar Iwiakmanam takakmastai timia.

Turatin

Juka juna takatan chichamrin nunkanu uunt anaikiamu, papi aakmin nuya kuitian iwiasmin. Ni amiktinrinkia umuchkachmin papi aarmanam, amitia papi aarmanam nuya irutkamu timia amiktin.



Uyumamu Jutiksar Iwiakmanam takat jukitiai tama umiktsar wakerakur

Uyumamu ju takat najatasar wakerakrika nekaska ju ainiawai papi aarma atin, tímiatrusar najanamu, turatin nuya kuit, aintsan nuke penker iwiarkamu nuya irurma, nianka juaka juarnawai anaikiamu chichamruktin.



Nekas tama atin, aints ainia ayu timia, kakaram pujakunu, etsereamu mashi aintsnum nuatnaikiarunam nuya yama tsakainia ai, tura papi umuchkachmin papi amamkematin, amitia papi, irutkamu timia papi, enap yaimiamu arakia iruntrarusha atin, tuke chichasma atin yajaya nunkanmayajaisa, nisha kuit chichamjai nuya unuimiakarujai nuya pujustinian yaimkiartin.

Uyumamu warinsha turatniunam

Juka uyumanawai nekaska nekasash aminia tesakma Jutiksar Iwiakmanam takamasta timia ainia nu, juka ju nunkanmaya ainiawai, uyumanawai warinsha amamkesar turatin aniakiamu puja nu. Nuyasha anka apu atiniaiti, warinsha ukustin nuya epenmia atin, inkisa mutsuke achimtikramu, chinchipnumani aujmattai, takakmatainiam warinsha artiniaiti, kunkuim tuinsha muchitkiatin, warinsha uyuma pujuchmin, chichamruktin, tuakma najanatin, iruntratin nuya aujmattsatin.

Unuimiatra uyumamu

Tii penker amiktin Jutiksar Iwiakmanam takak t najannati timianam, juinkia ju takat najanati nekati iruntrar takakmastin, nukap unuimiaru nuya anturu ju takat nunka chichamruktinian neka atiniaiti, kuitia nashamin nuya papin aakmin ainiaka penker amikiartiniaiti tsawan takakmatai tsawan tesamun tura chikich takatnasha najanata tamaka nunash najanatniuiti, nakak chikich iruntramu ainia aisha chichastiniaiti, chichasminiaiti nunkajai takatmin ainia yajanunkanmayajaisa.



Kuit uyumamu

Aintsan, nekas uunt Kakaram papi umpuarma nuya amitiai papi pujuinia au, Ekuatura uuntri nekas irutkamu nunkan yaunchukia pujutain achiakenawai nuya nii pujutairincha tuke emetkiar wenawai tusa kuitian akantuktatui nekas atumesh takakmasterum tusa. Un timian umiak kuitina irutkamunam anaikiamu umuchkiat tusa juna akantawai US\$39.960,00 nuya uwi takamchanu jiniawai US\$43.500,00, timianu peeteawai papi takamcha najanamunam Jutiksar iwiakmanam takat jukitiai timia papinium, akikmantiawai kuit akikmatai papijiai, papi nekasaiti tama papi awamsamtai.

Enentaj juukmaktasar pachinmia papi yamaram najanatai Jutiksar Iwiakmanam takakmastai tama

Yamaram anaiyamu nekas uunt kuitian ninki umuchin ainia (GAD) nuna turuneamtai yamaiki ataksha uchi yamai tsakakaru nuya pujaku iruntrar yamaram ataksha un papik najanma atiniaiti, nuna nukap warinsha pachisrik, ayamrumatai papi irunea aujai ikiausarik, Jutiksar Iwiakmanam takakmastai tiri papi irunturar najanamujai nuya Takat takamchanum najantai, juka juarnaktiatui uwi 2030, juinkia yamaram ataksha Jutiksar Iwiakmanam takakmastai tama atatu.



Enentai nukap juuktin warinchi ainiajai Jutiksar Iwiakmanam takat jukitai tama najanatin

Nukap tuakma takamcha juuktatui aintsun juna yamaram uyumamaun takat jukitniunam peekat tusa. Juu jukmaka artatui irutkamu naarin pachinian nuya nukap arurtatui nii takat susamun najaneak, nii iruntraru urutma uwiya takakmasta tiaruit nuna amik jinkitniuiti.

Enentai juuktin itiura nunasha turawarta nuya nekapsatin Takat iwiakmanam jutiksar jukitai tamanam

Tentakar iistinniumka nuya nekapsar iistinium ju Jutiksar Iwiakmanam tamastai tama, irutkamunam unuimiakaru pujuinia nuna juuktatui, unuimiaru tuke jui pachinin ainian, juka ninkia nekapsartatui juu takatnan nuya etserkartatui Takat najanatniun irutkamu amiktinia nuna, turutskesha anairamu ainia nu, timian ajekakiniash wena tusa, itiur najanatai tiri iwiaramuit nujai apatkar iisartatui, emkiarash wena tusa, juka jeatniuiti 2030.



Najanamu etserma nuya paant amajma Jutiksar Iwiakmanam takat najannattawai tama

Jutiksa iwiakmanam takat najannattawai tusar papi najanamuka yamiu takat najanatniunam nuya irutkamu un papin iisar chichamrumakarart tusar juka jeamniaiti 15 irutkamunam, nuya unuimiatnum anairamu pujuinia auna, nunka macharin ukuinin ainia, uunt anaikiamu (GAD), junaikiar iruntraru, nuwa, nuya natsa ainia. Ju etserkatniunka nuya kakarman takustinniaka juukma ainiawai irutkamunam anaikiamu ainia, Ju jutikiatarum tama:

- Jutiksar Iwiakmanam takakmastiniaiti tama aujsatin nuya kakaram takustin penker jintiana nujai nuya itirchatrincha jintiawai.
- Etserkatin sutarach najar Jutiksar takakmastin taman eré nuya wakan juukma.
- Pachiktin Jutiksar Turattaji Uwitin Irutkamunam takat juu uwitin najanatniuka.
- Etseratin urutma irutkamua ainia nu juukma nuya unuimiatcha.
- Jutikiattaji titin nu takat peerma iisar nuya Achitrarin Iniakmin ainia nui irutkamunun.
- Amamkesar ichiprar iisar ayu titin irutkamu enentai aarma ainia nu pachinkiatin najanmanum.

Paant amajmaktin Jutiksar Iwiakmanum takat najanatai tiri iwiaramu irutkamu Yamanunka nekaska jui: nampernum,

- ipiamamunam, apawachijiai iruntramunam, naamkarujai iruneamujai, tuakmanam, unuimiatratasar iruneamunam, irutkamu nuya ame weta tiarma wekainiamtai.
- Anintrustin nekasah kuit akantukma GAD achiakainia ju takat najanatniunam Jutiksar Iwiakmanam takat jukitai tama tsawantrisha mashi tesakma ayu timia juakua nu.



JUTIKSAR IWIAKMANAM NAJANATIN IRUTKAMU SHUAR YAMANUNKA 2020-2030

NUNKA					
T-T W	Warinchu achiakma	Iwiakmanu aujmatma	Jutiksar, Takat, najanatin	Taakmari kuitnia	Takakmasti iwiarnamu
Shuar iruntratin iruntratin ikiakartin ii nunké ayamrakur	Mashi ii nekamu etserma	Tuyayaitiaj, aujmattsamu, iwiakmanam enentaimmia, yaunchukia nekamu.	Takat najantin ataksha ii yaunchukia nekatairi awainkittsar tarimiat aints Shuar irutkamu Yamanunka	GADPS.	2021
Yajauch Enentaimsar listin aints- kampunniujai ayamruktin iwiaku kampunniunam matsatena au nuya pujutari	Nunka	Nunka takustin nuya itiurchat	Takat amamkesar ichiprar nunka pujurawaru ninu umuchkiachmin irutkamu Yamanunka	Uunt sunkartut Takakmatai Shushufindi	2023
			Irutkamu chichakma amiktin chichamrumaktin nuya nunka iistin	MAG.	2020 - 2021
		Iwiakma kampunniunam nunkanam	Takat najanatin ataksha numi nuya chikich ainia au turakur kampunin penker wainkiatin nuya wainkiatin entsa taakmari ainia ausha nisha yaimin ainiawai.	GADPS ProAmazoní. Yaimin	2023 - 2024
			Takat najanatin ataksha entsa pujú ainia timiatrusank ajasat tusar, nekaska juu entsanmay: Itaya, Chorrera, Blanco Grande y Jivino	Uunt sunkartut takakmatai Shushufindi	2020 - 2030
		Enentaimturar iistin nunka yajauch amajma.	Unuimiatratin chichamruktin penker aints matsamsarat tusar Takatchajai aints matsamsarain tusar.	Jea keamtai ikiajnin ainia, warinsha amatai chichamkartin ainia	2020 - 2030

IWIAKMANAM KUIT					
T-T W	Warinchu achiakma	Iwiakmanu aujmatma	Jutiksar, Takat, najanatin.	Taakmari kuitnia	Takakmasti iwiarnamu
Kakartin ii jeamujai takakmasar arakmar imiatkin nekenkar suruktin arak amukachmin ainia aujai.	Iwiakmanu kuit	Iwiakmanam warinchujai kuit nasharmatai nuya iwiakmanu kuit	Kuit itiuur wainkiamniait nu unuimiatratin warinchu najankatin, yajaya taar iisarat tusar irutkamunam	Uunt sunkartut takakmatai Shushundi	2020 - 2030
		Takat iwiakmanam kuit chikichjiash eaktin	Chichamruktin jea, unuimiat jea nuya jea warinsha najanka ukustin jea iwiarkatin.	Uunt sunkartut takakmatai Shushundi	2021, 2023, 2025, 2027, 2029.
			Jea jeamkati Warinchu najankamu Ikiankar suruktin	Uunt sunkartut takakmatai Shushufindi	2023
			Chichamrumaktin nekaska uunt waaka waitmaktai tusar irutkamu Yamanunkanu	GADPS.	2021, 2023, 2025, 2027, 2029.
			Atash ipiampartin takat aintsa uyumainianu		
			Namak apachi kantashri nuya paumit ainia au ipiampartin takat, turar suruktin nuwasha pachinmiajai	GADPS.	2020, 2022, 2024.
			takat najanatin iniakmasar suruktin warinsha ainia au yajaya kaunkar sumakarat tusar irutkamu Shuar Yamanunka	GADPS	2021
			Takat najanatin unuimiatratin nekapsatin surukar ii kuitrijian	GADPS.	2020 - 2030

IWIAKMANAM KUIT					
T-T W	Warinchu achiakma	Iwiakmanu aujmatma	Jutiksar, Takat, najanatin.	Taakmari kuitnia	Takakmasti iwiarnamu
Kakartin ii jeamujai takakmasar arakmar imiatkin nekenkar suruktin arak amukachmin ainia aujai	Iwiakmanam kuit	iwiakmanam nekamu nuya iwiakmanam chikich tatatcha najanatin	Unuimitratin takat najanatin nekaska akik chicham un enentajjain takakmasti nuya emkatin chikich takat najankar	GADPS.	2020, 2022, 2024, 2026.
		yajaya kaunkar itiai	Inkisjai takakmasti unuimiatratin kuit umuchkiatin nekatin chichamruktin		2021, 2023, 2025.
		Wainkiatin	Warinchu ainia au, arak, kunkuram nekatai, yapajtiumatai tama mai arakesha tusa chichamruktin. Yurumak wainkiatin.		2020 - 2021
			li pujamurin penker kuit umuchkiatin unuimitratin chichamruktin shaa Kawarunch, café nekenkar suruktin árak tsuakjai takakmasti.		2021
			Tii penker najanar najanar suruktin nekaska ii araken irutkamu Shuar Yamanunka.		2020 - 2030
		Muchitkiatin nuya wekatai ainia au	Wekatai jintia iwiamarat tusar chichamruktin nekaska 15 irutkamu Yamanunkanu		2020 - 2030

PACHIM AINTS MATSATMA					
T-T W	Warinchu achiakma	Iwiakmanu aujmatma	Jutiksar, Takat, najanatin.	Taakmari kuitnia	Takakmasti iwiarnamu
<p>Emka ewenkaktin kampuntin amuam tsawan yapajniaki wea au, tumak nunka yajuach ajaki weawai Iwiaku pujuinia kampunniunmaya entsaya ainia ausha arantukma ati.</p>	Pachim aints matsatma	Tarimiat aints Shuara Irutkamuri	takat najanatin penker ichiprar iwiararat 15 aints pujusau aunun	Municipio de Shushufindi.	2020 - 2034
		Jimiará chichamjai unuimiatai	Takat najantin nekaska unuimiat auna penker ajasarat tura chikich unimitash urankiar wearat tusar chichamruktin.	Ministerio de Educación	2020 - 2021
			Takat najanatin Shuar unuikiartin, naamkaru ainiasha nuna nukap unuimiararat tusar chichamruktin aints shuar chichaman chicha, nii takatrin shuar chichamjai chichakat tusar	Dirección Distrital de Educación.	2020 - 2030
		Grupos poblacionales.	Takat najanatin nekaska aints tii uyumainia aunu nuwa nuya uchi nuya imiatkiraru ainia aunu	Naamkaru iiniun ayamkartin ainia	
			Takat najantin nekaska jintiawarat nekaska, uchi nuwa uchi aishman nuatnaikiaru nuya apach, nukuach natsa, ajamtin nii arantukma artin nuna nekawarat tusar.		
				Takat najanati uchi aishman, nuwa natsa ainia au, nii apari, nukuri ajapa ukukmia archamniaiti.	
	Pachim aints matsatma	Iniash imiatai	Auna uunt najanawartiniati tsuak jea ainia auna mashi aints iimiasarat tusar.	MSP.	2020 - 2030

PACHIM AINTS MATSATMA														
T-T W	Warinchu achiakma	Iwiakmanu aujmatma	Jutiksar, Takat, najanatin.	Taakmari kuitnia	Takakmasti iwiarnamu									
Emka ewenkaktin kampuntin amuam tsawan yapajniaki wea au, tumak nunka yajuach ajaki weawai Iwiaku pujuinia kampunniunmaya entsaya ainia ausha arantukma ati.	Pachim aints matsatma	Iniash imiatai	Seamtin tsuakratin ainia jintiratawarat nnekaska uwitin chikichki ju irutkamunam: Shiram, Sharian, Yamaram Suku.	MSP.	2020 - 2030									
			Chichamruktin nekaska ii tsuak unuimiatratin	Uunt sunkartut Takakmatai Shushufindi	2020 - 2023									
		Nukap tarimiat aints matsatma, nuya amukchamin uymat wainma.	Takak najantin nekaska seamtin jea yaaksha ayamratin irutkamu Yamanunkanu.			Uunt sunkartut Takakmatai Shushufindi	2020 - 2023							
			Seamtin nekaska entsa inikania jiiikmia irutkamu Yamanunka.					Uunt sunkartut Takakmatai Shushufindi	2020 - 2023					
			Takat najantin pachintiurar seamtin nekaska yajauch initkianmani jiiirma ati tusar.							Uunt sunkartut Takakmatai Shushufindi	2020 - 2023			
			Takat najanatin nekaska seamtasar jeamkarat USB ankan, ankan jeanam Irutkamunam									Uunt sunkartut Takakmatai Shushufindi	2020 - 2025	
			Takat najanatin nekaska tsuat ajapman jukarat nuya nashamtiai un turamunmaya.										Uunt sunkartut Takakmatai Shushufindi	2020 - 2030
			Takat najanatin nekaska yaja arak apujsarat nunka machari yajauchiri ajaptain tusar.											Nunka machari ukuinin
		Chichamruktin ataksha nukap apujsarat tsuramtan irutkamu uymainia ai.	CNEL.			2021 - 2025								
		Jean jeamrarat irutkkamunam, nuya nakunun.	Takat najanatin seamtasar nekaska jeamkarat jean aints timiancha pujus tsuamartinian.	Sunkartut Shushufindi GADPS GADPL.CNEL.										

URUKUA IYAJ JUU NUNKA

T-T W	Warinchu achiakma	Iwiakmanu aujmatma	Jutiksar, Takat, najanatin.	Taakmari kuitnia	Takakmasti iwiarnamu
Kakaram ajastin nekaskas tuke ii pujutairi ikiakakir weakur irutkamu Yamanunka	Urukua iyaj juu Nunka	Tuniaya winiaj, aujmattsamu, iwiakmanam.	Chichamrukyim arakia chichatai seamrumtin.	CORDICOM.	2023 - 2024
		Iwiarmamak. Jantsematin. Najantai nuy yakatai. Yaunchu nakurutai. Nekamtai nuya nekatai yauchuya. Chikich aints urukuit nu apapeamu.	Ataksha awainkitin ii pujutari	GADM, Shushufindi.	2022 - 2023

ANKAN NUYA UUNT ANAIKIAMU

T-T W	Warinchu achiakma	Iwiakmanu aujmatma	Jutiksar, Takat, najanatin.	Taakmari kuitnia	Takakmasti iwiarnamu
Nunka Amamkesar umuchkatin nekatin irunturar nuwa nuya aishmanjai nuya uchi ainiajai.	lik ankan takamamu nuya uunt anaikiamu.	lik turatin, iik najanatin nuya uunt anaikiamu iniuk.	Takat najanatin seamtasar nekaska jeamkarat jean aints timiancha pujus tsuamartinian.	Municipio de Shushufindi.	2020
		Jeamu nuya kakartin iruntratin.	Jintiniatiin anaikiamu ainia au kuit umuchkiatniunam.	Dirección de nacionalidades del GADMSH.	2020 - 2030
		Irutkamunam pachinkiatin. Jianaitkiatin imiancha wainma.	Iruntrar kakartin irutkamunam.	CPCCS. Shuar iruntraru takakmatairi GADMSH.	







AgriculturaEcuador
Ambiente_Ec
Pnud Ecuador
PROAmazoniaEC



AgriculturaEc
Ambiente_Ec
Pnud Ecuador
PROAmazoniaEC



Juntos
lo logramos